

UTL AT DOWNSVIEW



D RANGE BAY SHLF POS ITEM C

39 16 19 04 08 004 6

PL

Kemal, Namik

248

Evrak-i perîşan

K45E85


1889

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

P 3/49

ed. 1302



Digitized by the Internet Archive
in 2011 with funding from
University of Toronto

Kemal, Hamik, 1840-1888


افراد چو پیدان

ترجمهٔ حال

امیر خسرو

Evrak-i perisan

معارف عمومیہ نظارت جلیہ سنک رخصتیہ



تمثیل ثانی

معارف عمومیہ نظارت جلیہ سنک رخصتیہ

قسطنطنیہ

۱۳۰۲

مطبعہ ابو الضیا

ناشران: کتابخانہ آراکل


PL

248

K 45 E 85

1889

امجد اللبوعه
ابو الحسن



899068



مقدمه

شوجهان عبرتده اثار بشردن نظر تحیرله مشاهده اولنان
بونجه بدایع خرد فرساتون مداوله افکار وتقلید اثار
ایله وجوده کلیر . برآدم کندی کندینه قانجه حائر اولدیغی
استعداد ترقی بی اظهارده تکلمه هنوز باشلامش برمعصومدن
پك از ایلری کیده بیلیر . حتی الفتاری براق چادر خلقنه
منحصر اولان بیابان وحشت پرورده لرینك مکسوبات
انسانیهده مدنیت ایچنده یشایان مکتب چوجقلرندن بیوک
برفرقی کور یله مز .

خصوصیله حب وطن . - طرفداریء ملت . -
ابتلاى حقیقت . - استحقاق منفعت کبی مکارم دفعهء بر
وجدانك پرورده ایده جکی حسیات عادیهدن دکل تقلید
کبی . - سابقه کبی . - داعیهء تفوق کبی نیجه اسباب
تشویق ایله تکون ایده جک ملکات علویه دندر .

بوملکات ایسه حد ذاتنده محبوب قلوب جهانیان

اوله جق درجه لرده نظر ربای وجدان اولدیغیچون شعشعه
 بدایعیله برکره میدان ظهوره کلنجه بیکده برکوکل بولنمز که
 حسن عالم اراسنه انجذاب ایتسون . ظاهرده کوکل
 اکلندر مکدن بشقه برایشه یرامنر کبی کورینان ادبیاتک
 ارباب تدقیق نظر ندرده اقسام فنونک انافع واک معتبر لرندن
 معدود اولسنه بریوک سببده مربی روح و مزکی افکار
 اولان امثال اخلاقک تزییننده کوستردیکی قوتدر .


امم قدیمه وحاضر ددن فضیلتله معروف اولانلرینک نمونه
 امثال اولمغه لایق بر وقعه تاریخیه لری یوقدر که یا بر شاعر .
 لرینک قوه خیالی ویا بر ادیبلرینک مهارت قلیله حافظه
 اعتبار ملته نقش ایدلمش اولسون .

دریغا که اقوام اسلامیه نك خون فیاضی هر عصرده
 معجزات فطرتدن معدود بر چوق اعظم یتشدریدیکی حالده -
 ادبیاتمز بو عصره کلنجه یه قدر برمسلك صحیحه دوکوله -
 مدیکندن - اکثرینک مآثری ارده مزده بتون بتون اونودلمش
 و بلکه یاده بیله انعامشدر . حتی ناملری دخی اولسه
 اولسه تواریخ مفصله ده کوریللیور . بونکله برابر اسلام
 ایچنده فضائل اخلاق همان عمومیت درجه سنده منتشر
 اولدیغندن شمعی طوق بشرک فوقنده کوردیکمز بر چوق
 افعال اوللری امور عادیه حکمنده طوتلدیغی جهتله

تاريخ مزدهده عقلره وله كتيه جك بونجه وقايع فوق العاده
 وقوعات روزمره كبي هيچ اهميت ويرلمكسزین تحرير ايديله
 كلديكي ايچون حكايات سلفدن مقصد اصلي اولان حصه
 استفادنهك تهذيب اخلاق قسمي بتون بتون ساقط
 حكمنده در . بناءً عليه اعتقاد عاجزانه مه كوره برقاچ
 سنه دنبرو كرچكدن ادبيات اطلاقنه استحقاق كوسترمكده
 اولان اثار جديده مزده اك زياده تكثيري ارزو اولنه جق
 شعبه لردن بريده ملت اسلاميه نك سوابق عظمتي ياد
 ايتديره جك رسائلدرد .

بواعتقاد اوزرينه در كه اكا بر اسلامدن جنس خارق -
 العاده سي شخص مقدسنه منحصر اولان واسمي بيله ارباب
 مطالعه دن بلكه بيكده برينك معلومي اوليان مجاهد مشهور
 امير نوروزك ترجمه حالي برساله شكلنده تحريره جسات
 ايلدم . اميد ايدرم كه موضوعنك عظمتي تاليفنك نقايصني
 نظر لردن اسقاط ايدر .

يالكر اودرجه عالي بر مسئله نك تصويري بنم كبي
 برعاجزك قلمنه تصادف ايلديكيچون تأسف اولنور .



ترجمهٔ حال امیر نوروز

هیچ شبهه یوقدرکه التی بیک بو قدر سنهک عالم انسانیتک
مبتلا اولدیغی دواهی اچنده طوفانن صکره اک شدتلی بلا
استیلا تاتاردر . جنکیز کبی قیلانن یرتجی . - ییلانن
خائن . - شیطان مدسس بررئیس جبارک سائقهٔ آمال
خونخوارانه سیله قره قروم صحرالزندن اسیانک هر طرفه
یایلان ملیون ملیون وحشیلر مملکت ییتقمده . - انسان
تلف ایتمده طوفانن بیله کری قالیر آقتلردن دکل ایدی .
طوفان کبیر طوفان ماء ایسه ظهور تاتارده طوفان
آتش ویاطوفان خون دینسه شایسته در . چونکه برفرقه سی
برشهره هجوم ایسه همه حال یرنده کمیک یغیندن . -
بناخا کسترندن بشقه برشی قالمزدی . - براردوسی برصحرایه
اوغراسه البته اتلری دیز قیاقلرینه قدر قان ایله یوغورلمش
چاموره باتمهدن کچمزدی .

سبحا الله ! بویله یربلیهٔ جهانسوزی اسلام اوزرینه
اوزمانلر اسلامک مقام خلافتنده بولنان (ناصر لدین الله)
تسلیط ایلدی !!

بر بریله کشا کشدن هیچ بروقت خالی اولیان طوائف
ملوک ایچنده ایسه سلطان علاء الدین محمد خوارزمشاهدن
بشقه قدره . - ملکا . - حالا . - موقعا جنکیزه قرشو
طوره جق بر فرد یوق ایدی اوده یالکز بی انتباهانه جنکیز
محارباتنک ظهورینه سبب اولدقدن صکره درت یوز بیک
عسکره مالک اولدینی حالده فقط بر کره میدان جنکه کیره
بیلمکدن واندهده غالب مغلوب نامعلوم و بلکه خوارزمشاهیار
تاتارلردن زیاده غالب اطلاقه شایان ایکن بلا سبب قواسنه
استیلا ایدن وهم نامردانه ایله انده بولنان و اوزمانلر حکمنجه
علمک اک معمور جهتی اولان قوجه برملکی برناثره بلا ایچنده
براقه رق و حتی والده سنی . - ازواجنی . - اولادینی
راست کلدیکی قلعه ده تاتارک شمشر قهرینه ترک ایلیه رک تاجر
حزر ایچنده اوزمانه قدر انسان ایاغی باصمامش بر جزیرده
اختفا ایتمکدن بشقه برشی یامغه مقتدر اوله مدی . سلطان
محمد احوال مذلت و جیانتده . - خلیفه اوله جق یاد کار
ایسه خوراز مشاهیلردن کویا تاتار قوتیه انتقام المش اولمق
گی بروهم غریب ایله مسرتده اوله طورسون ! جنکیز و درت
اولادی و برقاچ سر عسکری یوز بیکار له تاتار غدارلرینک
ریاستنه کچهرک آسیانک هر طرفنه « نارالله موقده » حکمنی
گوستردیلر . هر بری لوندره . - پارس . - استانبول کبی

یکرمی یکرمی بش شهر عظیمی یرله یکسان ایلدیلر . -
هر بری وقتیه برپادشاهه جهانکیردیدرمش یکرمی یکرمی
بش کشور جسیی اتشلر . - قانلر ایچنده بر اقدیلر . خلفایه
گوستردکلری پرستشکارانه مطاوعت وسلاطین وامرادن
گوردکلری حریت شکن تعدیات ایله اخلاقی اعضای میتیه
گئی بر انحلال کلی حالنده بولنا اقوام اسلامک عمومنه
بردجه ییلغلق کلمش ایدی که (اکثر مورخلرک اتفاق
اوزره) موغول خوارزم ملکنی ضبط ایتدیکی زمان
هر تاتارک اعدام ایتدیکی آدم یکرمی درده بالغ اولمشیدی
. - مراغهده بر تاتار قاریسی بر سرای خلقنی علی العموم قتل
ایتمش وهیچ برندن مقاومت دکل تخلیص جان ایچون بر حرکت
مذبوخانه بیله کورمامشیدی .

تاتارلر اوغرادقلری یرلرده مساجد اسلامه بارکیر
باغلار . - مقابر شه داده عشرت مجلسی قورار . - سوقاق
باشلرینه یا جنکیرک ویا اولادند برینک تصویرینی رکز
ایدرک عمومی سر بسجود تعظیم ایدر وکردن فراز اجتناب
اولنلرک باشنی بای حال پای صمغه غلطان ایلرلر ایدی . اسلامک
عظماسی ایسه دولت جنکیریه خدمتدن استفاده ایتک . -
امرای مشرکینه قیر وحقی سلطان ویرمک . - بر قاق
گونلک دولت دنیا ایچون امیر ووزیرک اعدامنه چالشمق

رذیله لرندن بشقه برشی دوشونمز لردی !!! حتی اغر بدرکه
 گرك جنكرك كرك اولادینك وزراسی . - امراسی . -
 مستشارلری . - عسکرلری . - حاصلی اسلامك قهریچو
 قوللاندقلری وسائطك اك مؤثرلری اكثیت اوزره اهل
 اسلام ایدی ! علما كتابلر یازار مقدمه - نی جنكرك
 اوصافنده فردوسی ایله یاریشرجه سنه مبالغه لرله تلویث ایدرك
 برتاتار جبارندن التفاته نائل اولمق ویا برقاچ غروش قایمق
 ایچون رتبه علمی حسیض ردائتك اسفل دركاتنه تنزیلدن
 حجاب ایتمز ایدی !!! عقلا بررای کشف ایدر اوقوتله
 برمشرك تاتاری برقوجه اسلام مملکتی انقاضدن یاپلش
 برتخت سلطنت اوزرینه کچوروبده قارشوسنده سجده
 ایتمکدن بشقه محصول معرفت لرینی صرف ایده جك محل
 بوله مز ایدی !!! عصر لرحه دوام ایدرك اسلامیت وحتى
 انسانیتی بتون بتون پریشان ایتمک استعداد کوسترمش
 اولان تاتار فتنه سی اثناسنده قوجه ملت اسلامیه ایچنده
 یالکز برقاچ کشی وظیفه لرینی اجرا ایتمک چالش دیلر : بری
 خوارزمشاه اولادندن رکن الدین ایدی که بدبختانه فیروز
 گوه قلعه سنك محافظه سنده بولنمغه مجبور اوله رق امکان مساعد
 اولدیغی قدر طیاندی نهایت اسیر اولدی وطن ومملتك قدرینی
 اعزازاً تاتار سرعسکرینه تکلیف اولان سجده یی دکل حتی

سلام ویرمکی قبول ایتیه رک کردن حمیتی شمشیر جلاده
تسلیم ایلدی .

ایکنجیسی دول اسلامیه ایچنده ظهور ایدن قهرمانلرک
اک بیوکی واک طالعسزی اولان جلال الدین بن علاء الدین
خوارزمشاه ایدی که پدرینک وفاتندن صکره ممالک
اسلامیه یی تاتار داهبه سنندن قور تارمق ایچون برانسانه
گوره امکان داخنده اولان همتمک . . غیرتک . . تدیرک . .
حیتک هیچ برنده قصور ایتدی . غزنه ده . . هنده . .
اصفهانده . . موصلده برر دولت تشکیل ایلدی . . محارباتک
همان جمله سننده تاتاره غالب کلدی فقط نهایتنده یینه
مجنون مجنون طانلر باشنده هلاک اولدی . چونکه
امراسنک . . برادرلرینک . . زماننده بولنان ملوک
اسلامیه نک . . خلیفه بغدادک خیانتندن هیچ بروقت امین
اوله مامش ایدی . برحالده که : نفسنی . . عائله سنی . .
دولتی . . اقبالی وطن یولنده فدا ایله اوکنه تصادف
ایدن انهار عظیمه یی سباحتله کچه جک قدر غیرت کوستره رک
تاتار پنجه سنندن قور تیلور و اوچموز کشیله قوجه هند شمالی یی
ومتعاقبا عراق عجمی زیر اداره سننه اله جق درجه لرده
خارقه لر ابراز ایدرک دشمنه قرشو طوته جق بر قوت حاصل
ایدردی اوقوتک استعمالی لازم کلدیکی زمان ایسه برادری

الندده کی اردونك نصفی کندینه اویدیرر جنکیز طرفه
گیدردی .

قصورلری مصرده بر برینی متعاقب سلطنته واصل
اولان قدز . - ملك الظاهر بییرس . - ملك اشرف کبی
گولمن لوندلری ایدیلرکه ممالکه دولتتده اولان مهارت
جندیانه ونفسلرنده کی غیرت قهرمان پسندانه ایله افریقا ایله
حجازی وسوریه نك بعض طرفلرینی تاتار هجومندن محافظه
ایتمشرایدی .

جنکیز اولاد واحفاد وامرا ووزراسی ایسه
- اطرافده بولنان مسلم و غیر مسلم اقوامک رجولیتنه عارض
اولان انحطاط جهتیله - هربری عادتا اسکندرکی برجهانگیر
گیلهرک شمالا لهستان وجنوبا سوریه حدودندن اقصای
چینه وارنجیه قدر آروپانک شرق جهتلرنده وآسیانک
حجاز ایله هند جنوبیدن بشقه هیچ بررنده قلیجلرینه باش
اکمدک مملکت . - بتلرینه سجده ایتدک ملت براقدیله
وزرادن . - امرادن بشقه سلاطینده وحتى جنکیز
اولادنده بیله برچوق محمدیلر . - عیسویلر . - موسویلر . -
حکیملر . - چینک ادیاننه تابع آدملر وار ایدی . فقط
جمله سی اعتقادینی یالکز امور وجدانیه سنه حصر ایلردی . -
جمله سی دینی . - عقلی سیاستدن خارج عد ایدردی !!

حتی ہلاکو خلافت اسلامیہ نیک مرکزی اولان بغدادی
 ضبطہ کلیدی وقت اک بیوک معنی اسلام ایچندہ مراتب
 مکسوبہ نیک اک بیوکی اولان وزارت عظمیٰ صاحبی ابن علم
 واک بیوک مستشاری او وقت لرحہ علمانک افضلی عد اولنان
 نصیر طوسی ایدی !!! شو ظلم و جہول صفتنہ مظهر
 اولان ابنای بشرک ہیچ برفرقہ سی ایچندہ ہیچ برزمانہ
 جبارلقده اقرانی کلامش اولان جنکیز سیاسیاتک موجودی
 حکمنہ کچمش واجہل اقوام جہان اولان تاتار خونخوار۔
 لرینی کندی زعمجنہ ادارہ ایچون اخلاق ردیئہ وقسوت
 قلب و تمایلات خونخوارہ سنی زمان و مکانک وحشتندن
 تولد ایدن عادات جاہلانہ ایلہ مزج ایدرک ترتیب ایتدیکی
 نظامنامہ و یاخود ۔ تاتار اصطلاحنجہ ۔ یاسا ۔ کہ مثلاً صویہ
 تبول ایدنلرک اعدامی و تکلیف تسلیمی قبول ایتیمان برشہر
 خلقنک قتل عامی کبی اک وحشی سباعک خاطرندن
 کچمیہ جک نیجہ احکام ظالمانہ بی جامعدر ۔ ادارہ عالمجہ ادیانک
 محصول الہاماتنہ و کافہ اقوامک خلاصہ مجرباتنہ فائق عد
 اولنشدی ۔ حاصلی مہد انسانیت ۔ مسجد اقصای دیانت ۔
 اولین درسخانہ حکمت ۔ دارالمعلمین معرفت ۔ نمونہ
 عمران مدینت ۔ مشرق انوار معدت اولان آسیا
 قطعہ سی جنکیزکی سباعدن اشنع ۔ شرک قدر ملعون ۔

جهل کبی دنی برداهیەنک ظهوریە هر طرفی تخته دن یابله
 قباصبا صخرله طولش بر بئخانه جهالت .- هر گوشه سی
 قانی کله دن ترکیب اولنجه قله لرله مزین بر استحکام وحشت
 شکنی بولمشیدی . بو حال ایله انسانیت بر الای سباع
 تعدینک باز ظمی آلتنده ایکلر .- اوزمانلر معرفت
 ومد نیجه انسانیتک حامی واستادی اولان ملت اسلامیه
 بر مشرکک تصویر ی اوکنده تتریه رکه سجده یه قبانیر .-
 گره زمین بیاغی قان ایچنده بو وارلیر ایکن عموم جهانک
 حمیتنی استیعابه کافی اوله جق قدر بیوک کوکلی بر مرد یالکز
 باشنه عالمی اسکی طرز اعتدالنه چو یرمک عزم عالیهمتانه سی
 گی دهشتلی بر خیاله حقیقت و یرمک تشبثدن احتراز ایتدی .

کندندن اول کلان قهر مانلرک .- فدا کارلرک او یولده
 ایتدکاری غیرت حقنده کوردیکی .- ایشدیکی قورق قورق
 تجربه لردن غیرتنه خاسل کترمدی .- تاتار کبی برنجی
 درجه لرده متغلب و دیانتک فرمان عدل واحسانی قبول
 استعداددن بتون بتون بری اولغله برابر دنیانک اک معمور
 بر قطعه سنده واک واسع بر جهتنده (کیف مایشاء)
 انفاذ حکم واجرای مرامه الشمس بر قومک شریعت
 محمدیه نک احکام عادلنه سنه اتباعنی استحصال ایچون عقاید

باطلہ و تمایلات فاسدہ لرینہ اعلان خصوصت کبی بر مخاطرہ
عظمایی اختیار ایلدی .

بوزات مورخ مشهور و صافک « ابومسلم ثانی » صفتیله
یاد ایلدیکی مجاهد عالیهمت امیر نوروزدرکه حقیقت حالده
« ابوالاسلام » عنوان مفخرتیله ذکر اولنسه شایسته در
گندیسی جنکیز زماننده - سائر امرای اسلام کبی - تاتار
خدمتنه کیردک بعض مناصب عالییه نائل اولان ارغون اقا
(اغا) نامنده برآمدک بر قاچ اولاندن بری ایدی . پدیری اوتوز
سنه دن زیاده خراسان و سبستان و عراق و ازربایجان کبی
تاتاره محکوم اولان ممالکک بعض جهتنده تاتار طرفندن
اجرای امارت ایتدکن صکره محصول مساعیسنک جاه
ومال قسمی بوراده ترک ایدرک وزر و وبال حصه سیله اوته کی
دنیایه کتمشیدی . یادکار عمری اولان بر قاچ اولاندن هر بری
خاندان جنکیز فروغندن برینه انتساب ایتدیله . - دولت
تاتارده بر مملکت والی ویا بر عسکره امیر اولدیله . - پدر لرینک
مسلکنده امرار عمره چالش دیله . نوروز بک دخی
خراسان و کرمان طرف لرینه حکم ایدن شهزاده غازانک
خدمتنده ایدی فقط علو جنابی اویله دولت خدمتی . -
حکومت مأموریتیله قناعت ایدر مرتبه لرده اولدیغندن دائماً
مقصدی و مسلک حرکتی تأیید اسلام ایچون لندن کلان

سعیده قصور اتمامک ایدی . تأیید اسلام ایسه اوزمانلر حکمنجه تانارک دین محمدی بی قبول ایتسنه و او ایسه تاتار امراسندن برینک بومسلک نجاتده پیشوالغنه محتاج گورینوردی .

نوروز بکک منتسب اولدیغی شهزاده غازان دها چوجوق اولدیغندن بالطبع بویله برامر عظیمده ایلمری ائلمغه صالح اولماق جهتیله نوروز بک - فطرتنده شرف دیانت وانفاذ عدالته زیاده استعداد کوردیکی - امیر بوقایه - که ارغون خانک وزیر اعظمی مقامنده ایدی - حلول ایدرک انک قوتیله احکام شرعیه و عادات و عقاید اسلامیه بی تاتار ارسنه یرلشدرمک ایچون لندن کلان همتمک صرفده قصور ایتدی .

انجق بوقانک شعشعه اقبالی پک چوق زمان سورمیهرک ارغون خان ایله یینلرنده ظهور ایدن منافرت اوزرینه کندیبی اعدام ایدلایکندن امیر نوروز بوتشبتندن مقصدنجه بیوک نتیجه استحصال ایده مدیکی کبی بوقا ایله اولان مناسبتی جهتیله شهزاده غازان عندنده اولان امانت و محرمتی دخی زائل اولمشیدی حتی شهزاده غازان بوقانک اعدام اولدیغنی خبر الدیغی کبی نوروز بکک دخی وجودینی قالدرمق نیتنه دو شمش و چوجقلنی جهتیله بونیتی برچوق اوضاعیله حس ایتدرمشیدی نوروز بک تاتار خدمتمده بولغقدن اولدن بری

متنفر و اختیار ایده جکی خط حرکتده متردد ایکن
 بوبادره نك ظهوری اوزرینه عادتاً عصیان ایدرك اسلامیت
 نامه تاتاره اعلان حرب ایتکی کوزینه الدردی نهایت
 شهزاده طرفندن اعدامنه حکم صادر اولدینی کیجه
 رفاقتنده کی عسکردن اسلام اولانلری انتخاب ایدرك غازان
 اردوسنی ترك ایله شرق طرفلرینه طوغری عزیمت ایلدی .
 براز زمان حرقان و خراسان حدودلرینی لوندانه دور
 ایدرك حمایت دین و اعلائی شان عسکریده کوستردیکی
 همت و مهارتله یانه براون بش بیک قدر مجاهد جمع
 ایتدی و او قدر جزئی بر قوتله معیتده هان هلاکو
 قوته یقین عسکر اولان شهزاده غازان اوزرینه یوریمکدن
 چکنمندی .

سوق ایتدیکی کشف قوللری ینه امرای تاتاردن
 برغوجی بوقانک یوز بیک کشیلک بفرقه سنه تصادف ایدرك
 نوروز بکه خبر ویرمشلر ایدی امیر ایسه بو عسکری کثرتنه
 نظراً غازان اردوسی قیاس ایدرك هان او کیجه باصغفه قیام
 ایلدی و تابصباح بر جنک حیدرانه ایله او قدر تاتاری قهر
 و پریشان ایتدی .

صبح اولنجه اردوکاهی معاینه ایله بوقانک میدان
 معرکده لاشه سنی بولنجه هجومنده وقوعبولان سهوینی

اکلادی . مع مافیه اعتقادنجه مقصد اقصی سلطان غازانه
 غلبه دکل وظائف دیانتہ خدمت اولدیغندن بومظفریت
 جلیله بی ده کندنجه بر مقدمه توفیق عد ایدرک جناب حقه
 عظیم عظیم شکر لر ایلدی . شو قدر وار که محاربه واقعده
 زیر لواء جلادتندہ مجتمع اولان غزاة کرامک برخیلیسی
 شهید اولمشیدی . بناء علیہ مسلك حمیتنه دوامه مساعد
 اوله جق قدر قوتی قالمدیغندن اعاده مافات ایچون یینه
 حرقان طرفلرینه عودت مجبوریتندہ بولندی . اوراده ایسه
 اولاد جنکیزدن شاهزاده کیسوی انه کچردیکندن دیانت
 اسلامیه اماله ایده بیلک امیدیه همان خانلق مسندینه
 اجلاس ایدرک آنک نامنه اجرای حکومتله ضبط ایده .
 بیلدیکی برقاچ ایالتی شریعت مطهره نك احکام عادلہ سندن
 بهره دار امن وامان ایلدی .

تشکیل ایتدیکی اوفاجق دولت اوچ بش آی ایچنده
 هربری هنوز دور استیلاسنده و بناء علیہ انتظام واعتلای
 ظهور حالنده بولنان آسیا حکومتلرینک کافه سنه هم بر نمونه
 معموریت همده برجهت احتراز ودهشت اولمشدی . بری
 طرفدن ایسه سلطان غازان بووقعه بی ایشیدنجه رعونت
 سلطنت و عنف تاتاری ایله بر آتشپاره حدت کسپلهرک

حوزه حکومتند بولسان بلاد و قبائله دولت جنکیزیه نك
 نشان اجلالی اولان ال تمغالی منشورلر ارسالیله سلاح
 قوللانمغه مقتدر نه قدر حشرات بوله بلدی ایسه جمله سنی
 جمع ایتدی . یوز یوز الیشربیک کشیلک فرقه لر دن مرکب
 برجیش عرمرم ایله نوروز غازی نك اخوان سلاحی اولان
 براوج قهرمانی تحری یه عزم ایلدی .

امیر نوروز اوزرینه یوریوب کلان داهییه نك و فرت
 فوق العاده سنه نظراً قولایلقه پیشنه سد اولق ممکن
 اولیه جغنی بیلیکندن اسلامدن برمدد و یاخود جناب
 حقدن بشقه صورتله براعانه غیبیه نك ظهورینه انتظاراً
 برمدت بارینه بیله جك بعض مواقع تدار کیچون حکم
 ایتدیکی یرلک حدودندن ممکن مرتبه تباعد ایتمکده ایدی .
 فقط برکون هیچ اومادینی بریده غازان اردوسی
 پیش عزیمتند کورینو یرمکه قوتک جزوئی هر درلو احتمال
 غلبه بی سالب اولدینی و بر طرفه چکلمکه حسب الموقع
 امکان مساعد اولدینی کبی غیرت اسلام تسلیمیت مذلتی
 قبوله دخی مانع اولدیغندن امیر غازی رفقاسنی غزایه
 تحریض و شهادته ترغیب ایله یالین قلیچ اوکلرینه دوشه رک
 جستجوی موت ایدرجه سنه بر شدت فوق العاده ایله دشمنه
 هجوم ایلدی . سکز ساعت قدر امتداد ایدن بر جنک رستم

پسندانه ایله برقاچ کره تاتار فرقه لرینی یارمغه موفق
اوله بیلش ایسه ده او قدر نسبتسز برکثرته یالکزجه غیرتله مقابله
ممکن اوله مدیغندن و تاتارک طاغیلان صفی براردولق عسکر
تجدید و تأیید ایلدیکندن اخوان همیتک اونده سکرینی
خاک و خون ایچنده بر اقدقدن صکره حیاته تلان و دینک
شوکتی کندینک وجودینه متوقف کورن فداکاران
اسلامک ابرامات نیاز مندانه سنه طیانه مدی . یلتیمان فلاکت
گی برکریه مایوسانه ایله رجعت و . دهشت شمشیری
ایسه دشمنده تعقیبه جسارت بر اقددیغندن - سلمه السلام
جستجوی توفیق و ظفرله سبستان طرفلرینه عزیمت ایلدی .
اوراده دخی براز زمان نشر عدالت و تدارک قوته اقدام
ایلدکن صکره طوپلایه بیلدیکی مجاهدلری وقف وجود
ایلدیکی مقصد جلیل ایله اوغراشمغه کافی کورمدیکچون
چاره سزینه اسلامیت و انسانیتک بلای مشخصی عدایتدیکی
اولاد جنکیزدن برینی اسلامیت و انسانیتک نجاته واسطه
ایتمک تصورینه دوشهرک بدخشان اوزرلرندن آسیانک
اوجهتلارنده انفاذ حکم ایتمکده اولان قید و خان زردینه
عزیمتله طالغی بردها تجربیه قیام ایتمدی .

قیدو خان ایسه نوروز بک کبی شهرت شجاعت و مهارتی
افا فکیر اولمش و عادی امرادن ایکن اقدامات فداکارانه

وتدابیر صادقہ سی قوتیہ بیاعی صاحب ظہور عنوانی
قرانمش اولان برمعین مؤیدک کندینہ مراجعتی برلطف
آسمانی حکمنده طوتہرق کندینی تکریمات فائقہ ایلہ رہین
امتیاز ایتدکن بشقہ ماوراءالنہر عسکری نی رایت استقلالی
آلتہ تودیع ایلدی .

مشار الیہ اورالک اداره سنہ مؤکل اولدیغی صرہده
ایسہ تاتار کروہی سوابق جلا دتلینہ نظراً کندیلرینہ
برجنس ممتاز نظریلہ باقہرق اسلامی ہر درلو اغراض
نفسانیہ لرینک استحصالنہ خدمت ایچون یرادلش بر بشقہ
نوع مخلوق عد ایده کلدکلرندن افراد اہالی یہ اسپردن بییک
قات شنیع معاملہ لردہ بولنور و بیاعی سالیس مقولہ سندن
بر تاتار اشرافدن بر مسلمانی مثلاً باقیشنی و یا یوریشنی بکنمد
یکچون قارغیسیلہ دورتہرک قبرستان شہادتہ کوندرمکی امور
عادیدن بیایردی .

امیر مجاہدک بو حاللر همان اسلامک اوغرادیغی
فلاکتلرک جملہ سندن زیادہ غیرتنہ طوقونمقلہ احکام شریعی
اعزازده ونحوت متغلبہ یی کسر وترغیمده اودرجہ شدید
طورانمش ایدیکہ مشرکلر اسلامہ تفوق ایده بئک دکل مرتبہ
شرعیہ لرینی برخطوہ ایلرو کچمکہ مقتدر اولہ مزار ایدی .
مشہور دررکہ تاتار وحشیلرینک امیردن بیاغینلغی جنکیرہ

اولان مطاوعت پرستشکارانه لریدن زیاده ایدی . حتی برکون برسواری آتنه صوویرمک استر . - حیوان اورکر . - بردرلو نهره یناشمز . تاتار هر درلو اقداماتدن صکره بارکیرک حر و نلغنی دفعه مقتدر اوله منجه « به مصیبت ! صوده نوروز یکک کولکه سنیمی کوردک ؟ » دیمکه حالا لسانمزده دخی شدت خوف حالنده زبازرد اولان « غالباً فلانک کولکه سنی گوردی » . - « کولکه دن قورقار » مثلاری اوزماندن قالیر .

امیر مجاهد تاتارک تحشدکاه تغلب و دارالشرك تعصبی اولان ماوراء النهر طرفلرنده سکر طقوز آی ایچنده عزت شریعی قدمای اسلامک آثار بدیعه سندن معدود اوله حق برشعشعه اقبال ایله اعلا ایلدی .

فقط دائماً نظری ینه خراسان و کرمان طرفلرنده ایدی چونکه اورال اسلام غلبه لکنجه سائر لرله مرجح اولدیغی گبی حکمرانی اولان شهزاده غازان دخی صباوتدن شبابه انتقال ایدنجه اولاد جنکیز آره سنده درایت و کفایتده فوق العاده بر امتیاز حاصل ایتمش و بیانی جنکیز و اوکتای زمانلرینک اتحاد اداره و مظفریت مطلقه سنی اعاده یه یرقابلیت کوسترمکده بولمیشیدی . بناء علیه امیر نوروز شهزاده نک یا وجودی زائل و یا خود کندسی لواء الحمد

اسلام آلتنه داخل اولدقجه ارباب توحیدك اعاده اقبال
 واستقلالنه امکان تصور ایده مزدی .

بومطالعات اوزرینه بردها غازان خان ایله چار شمعغه
 عزم ایدرك ماوراءالنهر عسکرندن یانسه طوپلایه بیلدیکی
 قدر مجاهد ایله خراسان اوزرینه یوریدی و اثنای کدازنده
 طوس طرفنده اولان تاتاری قهر ایدرك قوتنی ممکن مرتبه
 اکمال ایچون نیشابوره طوغری چکلدی . شهزاده غازان الك
 گوچك فتنه لری بیله دهها شراره ایکن باصدیرمق تدبیر
 ملکدارانه سننده اظهار انفراد ایدن مهارت پروران
 اداره دن اوله رق نوروز بکک حرکتی ایشتیدیکی کبی قیدو
 خاندن استمداد ایده بیلسنه میدان براقامق ایچون ایران
 طرفلرنده بولنان تاتاردن نصیر عام طریقیه اوچ بیوک اردو
 ترتیب ایلدی و هر برینی الك زیاده شهامت قهرمانی و تجارب
 عسکریه ایله مشهور اولان امراسندن قتلقشاه وقتلق تیمور
 وغازان بهادر معیتلریله دفع صائله سوق ایتدی . امیر
 نوروز ایسه نیشا بوردن دخی بر از عسکر جمعیه یله ینه طوس
 اوزرینه عودت ایتمش و تاتارک اوچ اردوسی ده اوراده
 برلشمش ایدی . امیر عالی نظر اسلامه خدمت مقصدینی
 ایش قلیجه دوشدیکی صره ده اولسون یالکز اسلام قوتیه
 میدانه کتیرمک عزم کریمان سننده بولندیغندن کرک ماوراء

النهر دن و كرك نيشابوردن رفاقتنه هيچ مشرك المامشيدى
 وصول مقصوده تميز اسباب قيدلرندن وارسته اولان تاتار
 ايسه سوق ايتديكي عسكردده مذهب و مشرب ازامديغى كبي
 اسلامده دخى حميت اغورينه منفعت ترك ايدجك قدر
 اخلاق اولمديغندن غازان طاقتنده نوروز عسكرينك اوچ
 قاتندن زياده يالكر اسلام موجود. تاتار ايله مذاهب سائره
 اصحابى ايسه اسلامك اون مثانى متجاوز ايدى .

مجاهد فداكار بونستسز اقليت ايله دخى عزمنندن
 دونيه رك موته عاشق ايمش كبي برخواهش فوق العاده
 ايله دشمنه هجوم ايلدى حتى بتون بتون شهادته توطين نفس
 ايدرك جنبكه ابتدا ايتدن اول قليچنك غلافنى قيرمش كفتنى
 بوينه صارمش ايدى . اقشام اولنجيه قدر تاتار اچننده
 چالقماندى . - الندهكى قليچ دشمنك قوراليسى اچننده برشب
 ظمانيده طوغمش هلال شفق بوشه بگردهدى . - اون سكر
 يرندن ياره لندى فقط هر ياره سنه بدل لا اقل ايكي تاتار
 تپه لدى . غازان بهادر كه زور بازوده زمانك فريدى ايدى
 اشاي كيرودارده اميره راست كله رك النده بولنان و يارم
 قنظار اغرلغنده اولان كرزاهينى برشدت فوق العاده ايله
 كو كسنه اوردى ايسه ده كرك ارقه سنده كى زرهك متانتي
 و كرك - تاثيرات حميته برصلا بت مجسمه كسلس اولان -
 وجودينك شدت تحملى جهتيه كار كير اولدى . امير جمهينى

صاوشديرر صاوشديرمز برصولت شيرانه ايله يالين قليج بهادره
 هجوم ايتمش و او ايسه اجل مسماسنى قرشوسنده كورمش
 كبي رعب صرف ايچنده قاهره قه قه هان تحويل عنان ايله
 قهرمان زمانك پيشكاه تعقينه دوشمش ايدى . ارالرنده
 برمزراق بويي يرقابش ايكن بگلرينك باشنه طويلانان
 زنبور الايي كبي هر طرفدن اقوب كلكدده اولان تاتار
 سواريلرينك حيلو لتيله سيف اسلامدن نفسنى خلاص
 ايده بيلدى .

حيفا كه بو قدر غيرت . . بو قدر فداكارلقه برابر امير
 غازى ينه هم مقصدى بولنان حميت پروران اسلامدن
 برچوغنى تاتار اتلرينك اياغى التنده كورمك فاجعه سندن
 بشقه برشيئه نائل اوله مدي . . اقشام اولنجه . اسلاميته
 خدمت ايچون برمدت دها حياتده قالمق بختيارلغنه مظهر
 اولان برقچ بيك فداكار ايله . معركة دن چكلى ينه
 سيستانه طوغرى عزيمت ايلدى .

اندن صكره . قواى عصيتلرينه اودرجه خلل طارى
 اولمش اولان . موحدين ايچنده تدارك ايدميه چكى برفرقه
 اصحاب حميته . نصف جهانه استيلا ايتمش اولان . تاتارك
 قوه قاهره سنه غلبه قابل اوله ميه جغنى پك اغر تجربه لرله
 اكلامش اولديغندن حرکات حربيه سنى دشمن اراسنده كى

اختلافاتدن بالاستفاده فرصت بولدجه خراسان طرفلارینی
تاراجه حصر ایتمش و قدر موحدینی خراسانده دخی
ماوراء النهر جهت لرنده اولان مرتبه اعزازه اصعاد
ایش ایدی .

حمله نا کھظه وری خوفندن اورالرده بولنان تاتارک
آحادی دکل حتی امراسی بیله اهل اسلامدن برسائله اذا
ویا حقارت ایتمه مقتدر اوله مز ایدی . مجاهد مشار الیهک
جلال هممی ایسه بوموقیتلرله قناعت پذیر اولور درجه ده
اولدیغندن یا مقصدینک کلیت اوزره حصولی کورمک
ویا خود او یولده فدای جان ایتمک عزم کرامیسنندن هیچ
بروقت دونمک استامش ایدی .

اوصره لرده فوق المأمول ظهور ایدن برفرصت ده
کندیسنه بشقه بر یولده امید بخش توفیق اولمغه باشلادی
شویله که اولاد جنکیزدن و فقط التجی یدنجی درجه ده
خانلق مسندینه استحقاقی اولانلردن شهزاده اورنک تیمور - که
دین اسلام ایله مشرف اولمشیدی - امیرک کریمه سیله عقد
ازدواج ایلدی . غازی عظیم الماثر الینه خدمت دینه صالح
بویله برواسطه پنجه همان انی ریاست اداره یه کتیرمک
و بارقه افکار حق پرستانه سنی ضیای مهر منیر کبی عالم بالادن
نشر ایتمک تصورنده بولندی و اجرا آتیه مقدمه اولوق

ایچون جیچون اطرافنک قید و خان النمدن نزعنی شهزاده اورنک تیمور ایله قرارلشدیردی . فساد اخلاق اسارتنه دوشمش ملتبارک اشنع مکروهات معتادهسی اولان افشای اسرار سائقه سیله بوقرار قیدوخانه عکس ایدنجه (یاسای جنکیزی) حکمنه اتباعا کرک امیر نوروزک و کرک شهزاده نک اعدامنه طرف خاندن یرایغ (فرمان) صادر اولدی . و فقط برقتنه حدوٹ ایده بیلسندن احترازاً اجراسی بر فرصت زمانه تعلیق ایدلدی . مع مافیہ امیر نوروز قیدوخانک اوضاعندن فراست فوق العاده سیله برطاق علائم شر استشعار ایتدیکی کی تحقیقات واقعہسی دخی ظننک اصابتی تأیید ایلدیکندن برکیجه علی الغضه دامادی ورفقای سلاخیه برابر قیدوخان اردوسندن چیقہرق علیہنه احضار اولنان کمین مهلکه دن خلاص اولمش و تاتار پنجه سنه دوشمامک ایچون برطاق مواقع خالیه و جبال شاهقه ده طولاشمغه باشلامش ایدی .

بوکشت و گذار لوندانه صره سننده برکیجه ینه اولاد جنکیزدن هدف حرکتی تعیین ایتمکسزین یوز قرق یوزالی بیك کشیلك بر اردو ایله چین و افغان حدودلری اوزرلرنده طولاشمقده اولان شهزاده میسورک غلبه لکنه تصادف ایلدیله . امیر مجاهد ایله اورنک تیمورک رفاقتنده موجود اولان

فرقه‌لر ایسه طوپی یدی سکزی بیك قهرماندن عبارت ایدی
 مجاهد جلیل الاقدامک عزمی تصادف ایتدیکی مشرکینه
 تکلیف اسلام و یا اعلان غزا فریضه شرعیه سنی ایفایه
 مقصور اوله رق کثرت وقت و یا ظفر و مغلوبیت مطالعه لری
 اعتقاد نجه غز منه مانع اوله حق حکم و تأثیردن ساقط اولدیغندن
 و تاتارک قبول اسلامدن مصرانه استنکافی ایسه بیك تجربه
 ایله علم الیقین بیلدیکندن او قدر جق بر قوتله قرشوسنده کی
 ازدحامه سل سیف ایتمکن چکنمندی . - اون یدی
 ساعت حیدرانه بر جنک ایله غیرت اسلامیه ذاتنده تشخص
 ایتمش دنیاسه شایان اوله جق صرتبه لرده جلادت کوستردی .
 نه چاره که - طالع کنندینی دایم ایکرمی اوتوز مثلی دشمنله
 اوغرا شتق مجبوریتنده بولندیردیغیچون - اون آلتی اون یدی
 بیك تاتار آزالتمدن بشقه بر شیده موفق اوله مدی . -
 دشمنک سیف تغلبندن قورتیلان بش آلتی بیك غزاة
 ایله هرات طرفه طوغری عزیمت ایلدی .

اورایه وصول بولوبده حکومت اسلامیه نك تأیید
 ارکاننه نفسنده براز اقتدار حس ایدنجه همان اجرای
 مقصده شروع ایله قانون جنکیزینک احکام اصلیه سنی
 زیر وزیر ایدرک شهزاده اورنک تیموری خانلق مقامنه
 اجلاس ایله نامه فرمانلر طاغتمغه و ملکینک توسیغنه برهمت
 فوق العاده کوسترمکه باشلادی .

بونتله سلاحه صاریلنجہ ابتدای امرده نیشابور
اوزرینه یوریدی تاتار طاقی ایتدکری میدان محاربه لرند
برقاچ دفعه لر هزیمت فاحشه ایله مغلوب اوله رق قلعه یه
قیاندیلر .

امیر مجاهد امر محاصره ده دخی کندینه مخصوص
اولان همت عالیه نک صرفده قصور ایتدی حتی برقاچ
دفعه ایتدیکی هجوملرده یالین قلیج قلعه نک دیوارینه
چیقاراق برج باروسنده رایت اسلامی موج انکیز اعتلا
ایتشیدی . نه فائده سی وارکه رایت حمیتی آلتنده بولنان
عسکر یالکز میدان محاربه لرینه آلمش اولدیغی کبی ادوات
حریه سی دخی اونوع غوغالر ایچون لازم اولان اسلحه
خفیفه دن عبارت اوله رق یاننده محاصره الاتی اولمدیغندن
دیوارلردن عسکر کچمکه قابل یر آچق ممکن اوله مدی .
یر برینک اموزلرینه بینه رک ویا خود قلیجی بیغانی زردبان
ایدرک دیوار اوزرینه حقیقه بیلان اصحاب غیرت دخی
بالطبع اوله قلعه ضبطنه قادر اوله جق مقدارده دکل ایدی
بونکله برابر مجاهد مشار الیه ینه عزمنده فتور ایتمکسزین
محاصره ده یدی سکر آی مصرانه دوام ایله اوله اسلامک
یوزده طقسانی تاتار النده اسیر اولان بر زمان فلا کتده
نیشابورده بولنان تاتارلری مصالحه نامیله سیف شریعته

جزیه گذار ایتمک خارقه سنه مظهریتله حمیت اسلامیہ سنی
 بدرجہیہ قدر اولسون نائل کام ایتمشیدی .
 نہ غریب طالعیسر لکدرکہ امیر نوروز شہزادہ بی برید
 غالبہ ایله بولندیخی گوشہ مذلتدن قوجہ برسریرسلطنتہ
 اصعاد ایتمش و سیف ہمتیلہ عموم تاتاری حکمنہ رام ایتمکہ
 و اوقوتلہ قطعات عالمک اعظمی اولان قوجہ آسیانی قانون
 جنکیزی کی اتلاف نفوس و سب راحتہ طاعونلردن .
 زلزله لردن بیق قات شنیع اولان بر بلای مبرمک تضیقندن
 قور تاردرق عدل الہینک سایہ حمایتہ و یرمک کی اک بیوک
 جہانگیرلہ غبطہ رسان حسرت اولہ حق بر موققت فوق .
 العادہ بی « اورنک تیمور » نامنہ وجودہ کتیرمکہ استعداد
 گوسترمش و اوقدر مآثر جلیلہ و خدمات فاخرہ سیلہ برابر
 برکشیدہ عنایتی اولان شہزادہ اورنک تیمورہ ایتدیکی رعایتی
 بر پادشاہہ کندی چراغ خاصی اولان نودولتسانک
 مطاوعتکار لغندن بیلہ ایلری کوتورمش ایکن بریکی یادکار
 غازیء صاحب جلا دتک مروتنہ شکرہ بدل حسدایلہ مقابله
 ایتدی . حتی بر فرصتہ اعدامی ایچون امراسی بینندہ بر
 اتقاق خفی عقد ایدرک پوصودن اوریحی حیدودلر یولنہ
 تقلید خصوصنجہ - ردائتہ بردہ کفران نعمت علاوہ
 ایدرک - غازان و قیدویہ دخی تفوق ایلدی . تقدیر الہینک

بشقه بر امر مقدس ایچون بسلیه کلدیکی صاحب ظهور
ایسه صون صمدانیده بولندیغندن اسلامیت طرفدارانندن
بری زمانجه حامیء دین عنواننك اصلح لیاقتله مظهری
بولنان امیر نوروزی ایشدن خبردار ایتمکه نورانیء جهان
صدق و وفا اطلاقنه لایق اولان قلب طاهری بوخیانت
نعمت ناشناسانه دن اودرجه لرده منکسر اولمشیدی که اورنك
تیجوری باروی اقتدارینك اقامه ایتدیکی مسند جلیدن
همان کریباننه پاشهرق بر کره یره چار پیورمکه تتریل
و خاکسار ایتمک ید اقتدارنده ایکن علوجنابی اویله اک محق
بر انتقامه دکل خصمسانك ردائت اخلاقنه بر نگاه نفرته
باقعه ده تنزل ایتدی. صد اقلرینه اعتماد ایتدیکی بقیه الشهدا
بیك بیك بشیوز قدر فداکار ایله غنایم جلادتندن اولان
تیشابوری دخی ترك ایدرک ینه امتحان جلادت میدانلرنده
جولانه باشلدی .

بر انسان نه قدر قوی القلب نه درجه اسیر مقصد
اولمیدر که نوروز غازی کبی هر تشبثی فلا کتله ختام بولدقن
واکثر غزالرنده. اسلامه اولان لزوم قطعیماری جهتیله -
هر برینك بر اعضاسنی جانندن قیتمدار بیلدیکی بیکلرجه
اصحاب حمیتی بیهوده یره شهید و یرمک رنج الیمندن بشقه
بر نتیجه حاصل ایده مدکدن و کیمه خدمت ایتدیسه مکافاتنده

حیاتنه سوء قصدن بشقه برشی کورمد کدن صکره ینه عز منده
 فتور کتورمک دکل تثبت ایتدیکی ایشاره بیك مظفر یتاه
 کامکار اولان بختیارلری اوتاندره جوق قدر همتلره چالشسون !
 حضرت مجاهد بو همت تغیر ناپذیرینه نظراً جوهر
 صلابتدن مصنوع برهیکل عبقری صکی نه درجه نوادر
 روز کردن عد اولنسه روادری . یوقاریده بر بنده ایما اولندیغی
 اوزره امیرک مقصدنجه اک بیوک قورقوسی شهزاده غازان دن
 اولدیغی کبی اک بیوک امیدی دخی اکا مصروف ایدی
 شهزاده دن ایرلقدن صکره ذهننه خطور ایدن . . پیشگاه
 عزمنه تصادف ایلیان تداییرک کافه سنه تثبت ایتدکن و جباه
 سندن مایوس اولدقدن صکره ظاهرده غایت غریب و حقیقتده
 غایت صادق بر تصور ایله ینه غازانه مراجعت ایدرک و کویا
 هر حرکتنده موفق اولمش کبی بر طرز غالبانه ایله شهزاده یه
 برسفیر کوندره رک سلمه السلام تکلیف اسلام ایلدی و تکلیفی
 قبول اولندیغی صورتده کنیده خدمته کله جکنی و احوالده
 ایسه طوائف متعدده النده قلان دولت جنکیزیه بی بتون بتون
 غازانک رایت استقلالی آلتنده جمع ایتمه بر قابلیت کوردیکنی
 دخی بیان ایتدی . سفیرینه اک صکره کی سوزی « شهزاده معقول
 شناسدر اگر استرسه منصفانه بر بحث ایدلم دینک حقایقتی
 اثبات ایده بیلیرسه م قبول اسلام ایله دنیا و آخرتی م معور

ایلسون مقتدر اوله مدیغ حالده اعدامه راضی یم کندیسنه
 بویله جه عرض ایت « قول حق پرستانه سی ایدی .
 شهزاده غازان ایسه هنوز اون طقوز یکر می یاشنده
 بولغغله برابر مسائل علمیه ده همان تدابیر اداره دن زیاده
 برقابلیت عجیبه ابراز یله فنون شتاتک کافه سیله توغل ایتمش
 وهله منطق و فلسفیاتده یدطولا حاصل ایش اولدیغندن
 علم کلامک نظریاتده کی بداهت و براهیتنده کی قوتی ادراک
 ایدر و فقط طبیعیون و لادریه نك سفسطه لری و برزده تاتار
 تربیه سنك تأثیراتیه ذهنی بتون بتون شهه دن قورتاره مز
 ایدی . برطرفدن ایسه نوروز بکک هر درلو فتور و خللدن مصون
 اولان اقدامات فوق العاده سنی طبیعت بشرک خارچنده
 گوردیکچون مشار الیهی دخی ذهنجه اسلامیتک قدسیت
 اخلاقته بولدیغی دلیللرک برنجیلرندن عد ایدردی . شهزاده
 غازان امیر نوروزک تکلیفی - استحکام دولتجه بر بیوک علامت
 تأیید عد ایتدیکی کبی امور وجدانیه سنجه دخی دفع ترده
 صالح اوله بیله جک صورته کوردیکندن - ممنونته قبول ایدرک
 امیری دعوت ایلدی . - اردوگاهه وصولنده تنهاجه
 گورشدیله . مجاهد مرحومک سبجایای طاهره سنده کی علویه
 اک بیوک برهان اولان آثار عظیمه سننددرکه وقتیه غازانه
 عصیان ایتدیکی وینلرنده بوقدر وقایع حربیه کچدیکی حالده

مظهر اولدینی اطاعت تکلیفنه - جان قورقوسی و اشکنجه
 بلیه سی کبی مخاطرات عظیمه بی خاطر دبیله کتیر مکسزین -
 شهزاده نك اسلامی قبول ایتمنی شرط ایلدی . غازان ایسه
 نوروز بکک مقدا عرض ایتدیکی تکلیف اوزرینه بحثه
 حاضر لشم اولدیغندن مطالبه برهان و ایراد شهبته باشلادی .
 اراده الیهبه شهزاده نك هدایتته و اسلامک عزتنه تعلق
 اتمک جهتیله یینلرنده درت ساعت قدر حکیمانانه و متکلمانانه
 بر محاوره جریان ایتدکن صکره غازان ملزم اوله رق
 زماننک مشاهیر اصفیاسندن شیخ صدر الدین حموی بی
 دعوتله اسلام جلیسنی تبرکاً آنک حضورنده اظهار ایدرک
 محمود نامنی اختیار ایلدی .

وقتا که شهزاده نك اسلامتی قبول ایتسیله امیر نوروز
 حسرتکس اولدینی ایام سعادتک صبح صفای ظهورینه
 ایرشدی خانلق مسندینه اجلاسیمون اقتضا ایدن اسبابی
 بر درجه سرعت و شدتله استحصاره قیام ایلدی که بالنفس
 روی ارضه مالک اولمق استیان صاحب ظهور لردن هیچ بری
 ترویج مطلبنه اودرجه مفتونیتله چالشامشدر دینیه بیلیر .
 چونکه محمود غازانک مزیتی - مقدماتیه اقبالرینه سعی
 ایتدیکی شهزاده لر کبی - یالکز خاندان سلطنت افرادنن

بولنغه منحصر اولیوب قوجه برسلطنتک بالذات حکمرانی
اولدقدن بشقه همم عالیه ودرایت فوق العاده سی جهتیه
تشتت حالنده بولنان دولت جنکیزیه نك اعاده شوکت
واقبالنجه هر طرفک امیدگاهی ایدی . بناء علیه حضرت
مجاهدک اعتقادنجه او مسنده مشار الیهی اقعاد اتمک
اسلامتی اصعاد اتمک قیلندن اوله رق شهزاده ایسه
سلسله انساب حکمنجه تحت جنکیزک اک قریب وارثلرندن
اولدیغندن ایدیه جک تشبثلرک بیوک بیوک صعوبتلره
اوغرامسی دخی مضمون دکل ایدی .

ذاتا محمود غازان مجاهد عالیشانی هم حامی حکومت
وهمده مرشد هدایتی بیلدیکی ایچون کندیسنه بیانغی اتابک
معامله سی ایتدیکی ووزارته تفویض یوللو بروکالت مطلقه ایله
رهین امتیاز ایلدیکی جهتله داخلی و خارجی وملکی
وعسکری کافه مصالحده مرجعیت کندیسنده اولدیغندن
حاضر بولدیغی برفرستدن استفاده ایله تدابیر متصوره نك
فعلیاتنه ابتدا ایلدی . شویله که برزمان اول بعض امرا
کیختاتو خانی اعدام ایدرک یرینه بایدوی جنکیز وهلا کویه
مسند نشین ایتشلر ایدی . حضرت مجاهد بوخیاتی ارتکاب
ایدن امرانک طلب مجازاتی بهانه سیله سلطان محمود غازانی
بایدوخانک ملاقاتنه تشویق ایلدی .

بوتد بیدن مرادی برنجی درجه ده افکارجه دائماً
 برقاچ فرقه اختلافه منقسم اولان مرکز سلطنت امراسنک
 برطاقیه اولسون ولی نعمتک ترویج اقبالچون اتفاق
 ایده بیلک و بر مطالعه سی ده شهزاده نك قواعد و اخلاق
 اسلامیه فیضیه برقاندها نظر ربای حیرت اولان مشوار
 عالمپسندانه سنی پای تحت ایچنده عساگر و اهالی یه
 گوسترمک ایدی .

امرای معهوده ایسه امر حکومته متعلق ایشلرده
 بازیجه اطفال اوله حق درجه لرده بلاهت کوسترمکله برابر
 گندی منفعتلرینه طوقونه حق شیلرده اک غامض دسایسی
 شیطاندن اول تفرسله محبول اولان مهارت پروران خیانتدن
 اولدقلرندن نوروز بکک بوتد بیدن بایدوخانه ترتب
 ایده بیه جک فالقندن غفلته برابر بهانه حرکت اولان
 تفسلرنجه وقوعی محقق و یا محتمل نه قدر مضرت وار ایسه
 جمله سنی پیش نظره آلدیلر .

وقفط بایدوخانجه غازانک ورودندن طولایی بر محذور
 تصور ایده مامکله بیک محذور احتراعندن دخی کیرو
 طور مدیلر . - کیمی یلانجی . - کیمی مصدق . - کیمی
 معدل افکار اولدی بیک درلو تاویلات و احتمالات ایله
 شهزاده نك عادتاً محاربه ایچون کلدیکنه بایدوخانی اقناع

ایتدیلر . وآره لرنده مهارت عسکریه جه ممتاز اولان امیر
 توکالی سکز بیک سواری ایله تجسس احوال و محافظه
 اطراف نامیه غازانک کذرکاهنه سوق ایلدیلر . امیر نوروز
 ایسه بو حالی استخبار ایلدیکی کبی بحق باصقینه طوئاق
 مخاطره سنی نظر تدقیقه آلهرق شهزاده توابعندن انتخاب
 ایلدیکی بش بیک سواری ایله توکالک مقابله سنه عزیمت ایلدی
 گشف صورتنده حرکت ایدن برفرقه ده محمود غازان دخی
 حاضر ایدی توکال - حتی ورودندن بیه قارشی طرفی بیخبر قیاس
 ایدرک - لاقیدانه شنجون ترتیباتیه مشغول ایکن بولندیغی
 موقعک برطاقم تیه لرله مستور اولان جهتدن بریکیلر
 گورنمکه باشلادی .

بو تصادف نا کهظه وورک ایکی طرفه ویردیکی حیرت
 و احتراز ایله ارده سلاح چکلمامک قابل اوله مدی . -
 طرفین بر برینک مرانی اکلامغه وقت قالمقسزین برجنک
 داستانییه ابتدا ایتدیلر . امیرک جلادت رستم پسندانه سیله
 برطاقم مهاجمات شدیددن صکره غلبه محمود غازان طرفدم
 قالهرق بایدوخان فرقه سی هزیمت کلیه ایله رجعت ایلدی .
 بایدو اوزمانلرجه دولت تاتارک ملک الملوکی بولنق جهتیه
 عسکری غایت کثرتده و مشاهیر امرانک همان عمومی یاننده
 ایدی شهزاده ایسه مقرر حکومتدن ذاتاً حرب تصور یله

حرکت ایتدیکی کبی ایشک بورالزه منجر اوله جغنی خاطره
 بیله کتیرمدیکندن اسلامک موقعی پک مشکلاشمش
 وشهزاده ایچون مسلاک مداراته کرمک واجباتدن اولمش
 ایدی . بناء علیه امیر نوروزک ارشادیه بایدو خانه برسفیر
 مخصوص ارسال اولنهرق او طرفله کلککن مقصد یالکر
 گورشمک و برده کرمانه قریتی اولان و ملک اینجو تصرفنده
 بولنان سالیانه سنی نیاز ایتکدن عبارت ایکن عسکری طاقتی
 آرلرنده ظهور ایدن بعض شخصی منازعهلر غلیان ایدرک
 امر المقسزین معهود محاربه یه جرأت ایتدکلرینه دائر
 مقام معذرتده بعض خبرلر تبلیغ ایدلی .

بایدو خان ایسه بوتدیر نجایوانه بی صرف اثر غفلت
 عد ایدرک آرزو ایدیلان سالیانه بی دریغ اتمیه جکندن
 بحشله احوال مملکت و مطالب طرفینه دائر اقتضا ایدن
 مذاکراته ککریشمک اوزره شهزاده ایله امیر نوروزی
 ایرتسی کون ایچون ترتیب ایتدیکی ضیاقته دعوت ایدلی
 بوندن مرادی محاربه نک مخاطرات ملحوظه سنه دو شمکسزین
 بگرنک محمود غازانک و ککرک غازیء جلادت نشانک ازاله
 وجودینه برچاره بولمق ایدی .

بوتدیر اوزرینه امرانک کافه سنه اقتضا ایدن تعلیماتی
 دخی اعطا ایتدکدن سرخنی ولوبردائره محدودده ایچنده

اولسون شایع اولمغله اردوده بولنان شهزاده طرفیلیرینه
عکس ایلدی . - ایچارندن برصاحب غیرت هر بلای
گوزینه آلهرق کیفیتی امیر نوروزه خبر ویردی .

مجاهد کار اشنا ذاتا کشف ایش اولدینی مخاطره یه
بوصورتله برقاتدها یقین حاصل ایدنجه معیتده کی فرقه ایله
بایدو خان اردوسنه هجوم حالنده امکان ظفر کوره مدیکندن
ومغلوبیت تقدیرنده ایسه کرک شهزاده نک و کرک کندی ایله
حامی مقصدی اولان رفقاء ممتازه سنک نجاتلری محال
اولدینی جهتله بوقدر همملره آثاری کورنمکه باشلامش اولان
برفکر مقدسک بتون بتون زوالی مقرر بولندیغندن کیجه نک
ظلمتدن استفاده ایدرک شهزاده وتوابغنی استصحاب ایله
رجعتدن بشقه چاره کوردمدی ویلیرم سرعتیله اوچ
قوناغی برکونده الهرق دشمن طرفندن تجاوزی حرکتی قیام
اولدینی صورتده مدافعه قابل اوله حق برموقعده آرام
ایتدی .

برطرفدن دخی بایدو خان ایله بتون بتون قطع مناسبت
ایتمک ایستمدیکی جهتله اورادنده برسفیر ارسالی شهزاده یه
القا ایلدی که سفیرک تبلیغنه مأمور اولدینی سوزلر بروطرفک
خلوص نیتیه ویایدو خانه کمال امنیتیه دائر بعض مقدمات
ایله سبب رجعت امرادن تفرس اولنان علامت شردن

عبارت اولدیغنه ومع مافیہ ینہ مرکز موالات ومطاوعتده ثابت بولندیغنه دائر برطاقم توثیقات ومخاطبات ایدی . بایدو خان دخی اعضای خاندانک اک قوتلیسی اولان شهزاده بی اعلان استقلال مجبوریتنه دوشورمامک ایچون تملقدن گیروقالمدی .

تأمینات معروضه بی کویا مع الممنونیه قبول ایدرک سالیانه سنی محمود غازانه کوندرمک ایچون ملک اینجویه اقتضا ایدن او امری ترتیب ایدرک شهزاده نک سفیرینه تسلیم ایتدی ومع مافیہ ملک مشارالیهه کندی طرفندن بر امر دیگر ارسالیله محمود غازان یولیه کله جک فرمانک حکمی ساقط اولدیغنی بیاندن دخی کیری طورمدی .

شهزاده بایدودن کوردیکی تملقه - اکال تدارکه میدان بر اقدیغچون - اول امرده ممنون اولمشیدی . فقط ملک اینجویه کوندردیکی امرک ناموسسزجه بردسیسه دورویانه دن عبارت اولدیغنی خبر النجه کنسینک عادتاً بازیحجه اغفال ایدیه جک قدر محقر کورلسی فوق الغایه وقارینه طوقه رق همان اعلان حربه حاضر لنحق ایستدی . مقصدی دها عالم تصورده ایکن برقچ بیک کئی ایله برقچ یوز بیک عسکره هجوم ایتمک کبی بیاغی تهوره حمل اولنه حق درجه لرده لاقیدانه حرکت ایدن امیر نوروز ایسه تشبثات غیورانه سنک

دائماً مرکز مراده تقرب ایده کلدیکنی کورنجه براحتیاط
 مجسم کسپله رك شهزاده یه خانلق مسندینی ممکن اولورسه
 برطمله مسلمان قانی دوکمکسزین استحصال ایتمه قرار
 ویرمش و بوتدیر اوزرینه بایدوامراسندن بعضیلریله مخبرات
 خفییه یه کیرشمش اولدینی کبی حرب احتمالاتنی دخی بتون
 بتون نظردن اسقاط ایتدیکندن اوزمانلرجه ملوک اسلامیه .
 نك اقواسی اولان مصر حکمداریله عقد اتقاقه تثبث
 ایتشیدی . بناء علیه شهزاده نك عزمنی وقتسز کوره رك
 محاورات مدیده و دلائل متعدده ایله تأخیر ایتدیردی . مع
 مافییه ینه تشبثدن دخی قالمیه رق اقتضا ایدن ترتیبات
 اعدادیه بی اکمال ایچون هرشیدن اول نظرنده تدارك ایتدیکی
 اسباب غلبه نك جمله سندن قیمتسز کورینان نفسنی مخاطره یه
 قویدی . — ظاهرده سالیانه مسئله سنی تسویه ایتمک
 و حقیقتده خدمت لرینه امید وار اولدینی امرایله کورشمک
 ایچون سفارته بایدوخان نزدینه عزیمت ایلدی .

کندیسی سفارت رسمیه سنی تسویه یه امکان کوره مز
 ایسه ده هیچ اولمزسه برحسن قبول و دفع لین امیدنده ایکن
 خراسانه کیرر کیرمز عادتاً حرب اسیری یولنده معاملهلر
 کورمه باشلادی حتی بایدوخان امیری حضورینه جلب
 ایتدیکی زمان ساعتلرجه ایاقده طور دیره رق یوزبیک عتاب

و تهدیددن صکره غازانی حضورینه کتیرمک و یا خود کردنی
 شمشیر جلاده تسلیم ایلمک بیننده مختار بر اقدی . بو حالده
 مجاهد اصف تدیر تواضع نا بجملدن تجرد ایله هر حالده
 و خصوصیه امرای معلومه نك دولت محمدیه یه تشید از تباطی
 امرنده اسلامه شدت لزومنی لایقیله تقدیر ایلدیکنندن
 حفظ حیات ایچون شره شر ایله مقابله قاعده سنه دوکلاکدن
 بشقه چاره بوله مدی لسانی ده قلیجی کی قطعی تاثیر اولمق
 جهتیله بایدوخانه متعدد وعده لر ایراد وهر وعده نی نیجه
 مخاطبات خرد فریب ایله تأیید ایدرک دست تعدیسندن
 تخایص جان ایتدکن بشقه اتخا ذ ایده جکی تدایره مدار
 قوت اولمق بهانه سبله سفارت رسمیه سنه عاند اولان مصالحک
 کافه سنی ده ارزوسی اوزره قبول ایتدردی . علت غایه ورودی
 اولان اتفاق امرای خصوصنده ایسه فوق المأمول بر موفقیت
 استحصال ایدرک بایدو مقر بلرندن اولان نفوذ و شهرامت
 اصحابنک کافه سنی وحتی اعظم کار ازمایان دولت اولان
 وعسکر ارسنده پادشاهلردن شهزاده لردن زیاده نافذ الکلم
 یولنان امیر طغاچاری بیله محمود غازانک اجلاسی مقصدی
 اوزرینه تأسیس ایتدیکی اتحاد دائره سنه المشیدی .
 شمشیر و تدبیرندن هربری برجهان اداره ایتمکه کافی
 اولان مجاهد قدسی فطرت غلبات عرفانک محصلی

اولان بونجه غنایم بشارتله شهزاده زدینه عودت ایتدیکی
 صروده بایدوخانک وزیر سابق اولان ومقهوراً قونیه ده کی
 شعبه سلچوقیه نك تاتار دولته ویره کلدیکی سالیانه بی تحصیله
 کوندریلان صدرالدین زنجانی دخی محمود غازانک اسلام
 ایله تشرافی استماع ایدنجه تحصیلدارلق مأموریت خسیسه سنی
 ترك ایدرک شهزاده خدمته شتاب ایتمشیدی .

بوذات تاتار مشرکلرندن برقاچ خانک خدمت وزارتنده
 امرار عمر ایتمش اولسندن اکلاشلدیغنه کوره او یله
 نوروز بك کبی اسلام خدمته وقف وجود ایدن اصحاب
 حمیتدن دکل ایدی فقط ایرلدیغی مسند برسریر سلطنت
 قدر جالب هرمنافع ومركز هر اقبال اولدیغندن اعاده
 مافات ایچون هیچ بر فداکارلقدن چکنمز ایدی .

محمود غازانک اسلام ایله تشرافی وامیر نوروزک صورت
 انتسابی خبر انجه برطرفدن غازانک حصائل فوق العاده
 سیله نوروزک غیرت فتور ناپذیر اسلامیتنه ودیگر جانبندن
 بایدونک اقتدارسزلغیله برابر امرانک اختلافاته لایقیله
 واقف اولدیغندن ایران اوزرنده عن قریب دین محمدی
 نامه برمسئله حقیقه جغنی تیقن ایتمش واحتمالات موفقیتک
 اغلبی محمود غازان طرفنده کورمشیدی بومطالعه اوزرینه
 بایدوخان النده بولنان سلطنتک کافه خفایاسنه وقوفی وتاتار

امراسنك پك چوغيله مناسبتى اولسنه نظرا شهزاده يه
استحصال مطلبده بيوك بيوك خدمتلاز ايده جگنى و خانلق
غازانه توجه ايتديكى حالده ايسه خدمته مكافاة وسوا بقنه
حرمة ينه بالطبع وزارت عظمايه كله جگنى دوشونمش
وشهزاده خدمته اواميد ايله گلش ايدى. امير نوروز تدابير
وتوفيقات واقعه سنى محمود غازانه عرض ايدرك سرير
سلطنتك سلم ارتقاسى پيش پاى همتمده مهيا بولنديغنى افهام
ايدنجه صدرالدين دخی متصف اولديغى قوه علم و عرفانك
اثاريني ابراز ايدرك برطاقم توجيهات حكيمانه ايله مجاهد
ذیشانك مدعاسنى تأييد ايتمش و كرك طغاچار و كرك سائر
امرا ايله كندينك دخی اتحادينه و خصوصيله خراسان
طرفلرندن بولنان كافه اهل اسلام بو طرفك حركتى خبر
النجه اعلان غزايه حاضر بولنديغنه دائر دور و دراز برطاقم
مباحث و دلائل ايراد ايتشيدى. نهايت امير نوروزك اقداماتى
و صدرالدينك توجيهااتى شهزاده نك ارزوسنه تقابل ايتمكله
همان او مجلسده بايدوخان اوزرينه عزيمته قرار و يرلدى
وتدارك اولنان اردو ايله خراسانه طوغرى حركت اولندى.
امير مجاهد صدرالدين ايله برابر براون بش بيك قدر عسكراه
طليعه يه مأمور اولمغله ينه وعدنده صادق چيقارق محمود
غازانى برمكمل اردو ايله بايدوخان زدينه سوق ايلدى

شہزادہ نك حرکتی شایع اولدیغی کبی اولا طغاجار و متعاقبا
 اتفاقدہ بولنان سائر امرا اداره سنہ مأمور اولدقلری
 عساکر و قبائل ایله نوروز بکک یاننه چکلمکه و اناہالی
 اسلامیہ بولندقلری فلیجئ سکونتدن دفعه خلاص اوله رق
 مشرکین علیہنه یر یر بیر اقلر قالدیرمغه باشلادیلر بو حال اوزره
 بایدوخان هر درلو چاره نجاتدن مایوس اوله رق یاننده قلان
 اوافق برفرقه ایله اذربایجانہ طوغری فرار ایلدی .

امیر نوروز ایسه شوکت اسلامیہ ایچون بر نقطه احتراز
 قالمق خوفیله اردوسنده که آتلیک نصفندن زیاده سنی
 چاتلاده جق قدر شتاب ایله بایدوی تعقیب ایدرک برقاچ
 گون تحریدن صکره دردست ایتمکه شہزادہ دن آلدیغی
 امره امتثالا اعدام ایلدی .

بومظفریت جلیله اوزرینه آلتی یوز آلتمش درت
 سنہ سنده سلطان محمودغازان بالاستقلال سریر قانی به
 جلوس ایتمش و امیر مجاهد ریاستین سیف و قلمی جمع ایله
 وکیل مطلق مقامنده بولنه رق صدرالدین زنجانی دخی
 امور دیوانی اداره به مأمور اولمشدر .

غازی دین پرور نظرندہ اکمال اسپادن عبارت اولان
 بوموفقیت اوزرینه مقصد مقدسنی دفعه میدانہ کتیرمکه
 استعجال ایدرک فتنہ هنوز سکونت پذیر اولمش و سلطان

محمودك ارکان سلطنتی دها قوت بوله مامش اولدیغی جهته
 بویله برزمان خجاندنه میدانه آتیه جق دین دعواسنك
 تحریك ایددیله جکی هر درلو اغراض وانفعالاته اهمیت
 بیله ویرمکسزین پادشاهی انواع تشویقات ایله اقناع ایدرک
 عموم تاتارک سیف واسلام آردسنده تحیرینی شامل
 هر طرفه شدید المائل فرمانلر نشر ایتدیردی . شهریار عالیهمتک
 نفوذی هیبت امیر صاحب اقتدار ایله اودرجه لرده مؤثر
 ظهور ایلدیکه یالکز فرمانک نشر اولندیغی کون اصحاب
 حیثیتدن یکریمی بیك کشی اظهار اسلام ایتدیلر کیده
 گیده داخل دین اولان افواج ایسه یومی یوز یوز الیشیر
 بیکه بالغ اوله رق نهایت عموم تاتارک سعادت دیانتدن
 بهره دار اولدقلرینی مجاهد عظیم المائر نیات خالصه
 واقدمات حق پرستانه سنه مکافاة اوله رق حال
 حیاتنده ایکن مشاهده ایتمک کبی دنیوی بلکه اخروی
 هر درلو آمالک فوقنده عد اولنه بیله جک بر بختیارلقله بکام
 اولمشدر . بویله برجهان قدر واسع و برجهان خلقیله
 اوغراشمغی موجب اوله جق قدر مهم بر مقصدی تک باشنه
 اختیار ایدرک یوز ملیونی متجاوز بر قوجه متی شرکدن
 وهان اومقدار امت محمدی ذلت محکومیت واسارتدن
 قور تارمق قدر بیوک بر توفیق هدایت اکا بر اسلامدن فرد

واحدہ میسر اولمامشدر . بیانی حضرت امیرک اعلائی کلمہ دہ
اولان موفقیتی فاروق اعظم رضی اللہ عنہ افدمزک مظہریت
قدسیہ لری درجہ سنہ متقاربدر دینلسنہ مبالغہ ایدلامش
اولور . بوندن بشقہ مجاہد صاحب کرم خلفا وملوک اسلام
زمانرندہ اصحاب علم وفقراء صالحینہ اعطا اولنہ کلدیکی
حالدہ تاتارتسلطدن بری منقطع اولان عواندی دخی
تجدید ایلیرک ترقیات علمیه ورفاہیت اہالی یہ دخی الی الابد
السنة تقدير وتشکرده دوام اتمکہ شایستہ برخدمت جلیلہ
ابراز ایلدیکی کبی تاتارک رسوم وعاداتی تافرمانلرہ چکیلان
نشانلرہ . - سکہ لره ضرب اولنان نقوشہ وارنجہ یہ قدر رفته
رفته الغا ایلہ یرلرینہ عادات اسلام ورسوم خلفایی
اقامہ ایلدی .

جلوس غازانیدن صکرہ بایدو خان طرفدارانندن
یالکز امیر توکال باشنہ جمع ایدہ بیلدیکی حشرات ایلہ
خراسان طرفلرندہ سلاح عصیانہ صارملق استدی ایسہ دہ
نوروز بک سوق ایتدیکی برسریہ ایلہ آنی دخی رفع ایدرک
دولت اسلامیہ همان همان امویہ وعباسیہ نک اک پارلاق
زمانندہ کی شعشعہ اقبالی کوسترمکہ باشلادیغی صرہ دہ
ماوراءالنہر طرفلرندہ حکمران اولان براق خان محمود
غازان ایلہ بایدو بیننہ دوشن اختلاف ہنوز نتیجہ بولمامش

ظنیله اوغلنه بریوک اردو ترفیق ایدرک خراسانک ضبطنه
سوق ایلدی .

بوخبر بارد مرکز سلطنته عکس ایدنجه او یله قوی
بردشمنک صولتته مقاومت امیر مجاهدک مخصوص اتندن
اولدیغنه حکم ایدملکه کندسی خراسان اوزرینه
یوریمکه مأمور اولمشیدی . آلتی آی ظرفنده بر برینی متعاقب
اوج دنعه جلوس وقوعبولق جهتیله خزینهده اردو تجهیرینه
دکل اداره جزئیاته بیله کافی اچه قالمدیغندن کوندریله جک
عسکرک مصرفی اهالی صرتندن ویا مظالم ثمر اتندن چیقارمق
ایچون صاحب دیوان وسائر امر اطرفندن پادشاهه برطاقم
تدابیر اعتسافکارانه القا اولندی ایسهده امیر عدالتپور
بومنکراتک کافه سنه شدتله مقاومت ایدرک نفوذ و اعتباری
قوتیله تجار دن بورجار الدی قوجه بر اوردوی برفردک
جبه سنه تعرض ایتمکسزین میدان محاربه یه سوق ایلدی .

ماوراءالنهر عسکری - که اوکلرینه تصادف ایدن یرلری قهر
ایدرک اوصرده مازندرانه قدر کمشلر ایدی - امیر عالیشانک
اوزرلرینه طوغری توجهنی ایشیدنجه اطرافی اللرندن
کلدیکی قدر تخریب وینما ایله رجعت ایتدی لر نوروز بک
ایسه دشمنک عودتی خبر النجه بویله سیئات عملرینک
جزاسنی کورمکسزین برطاقم اموال تالانکرده ایله عودته

مقتدر اولدقلری خالدہ تراید جرأت وتکرر صولتاری
 مقرر اولسنه نظراً بای حال حریفلری برضربہ تأدیب
 ایله تربیه ایچون عسکرینک یالکز شدتلی ایلغارہ محمل
 اولانلرینی استصحاب ایله تعقیب عدویہ شتاب ایلدی
 وماوراءالنهر طاقنه هرات حدودنده یتشدی. دشمن کندی
 عسکرینک بش مثلندن زیاده ایکن بلافتور محاربه به
 باشلایه رق بالنفس متعدد حملہ لرله طقوز ساعت اوغراشدقن
 صکره ارباب خلافی ارزوسندن زیاده رهین انہزام ایدرک
 یغما ایتدکاری اموالک کافه سنی ترک ایله نہری کچمکه اجبار
 ایلدی. بوصورتله قوجه برداہیہ یی برمحاربه ده دفع ایدرک
 خراسانی اسایش واماندن بهره دار ایتدکن صکره
 اورالرینک محافظہ انتظامی ایچون لزومی قدر عسکر ترک
 ایتدی. - کندی سرعتله سلطان غازان نزدینہ عودت
 ایلدی.

صدرالدین زنجانی یالکزجه امیر نوروزک افکار وتدبیرینہ
 مصدق کورنمکن بشقه غازانک تسلطنہ برخدمت
 ایتماش ایکن حیثیت سابقه سنہ وپادشاهه قبل الجلوس
 گوستردیکی طرفدارلغه حرمة امور دیوانی اداره یه مأمور
 اولمش ایسه ده سلطان محمودک ترتیب سلطنتی تاتار تشریفاتنک
 خارجنده اوله رق صاحب دیوان یالکز وقتیلہ دولت علیہ ده

جاری اولان رئیس الکتاب مقامنده طوتلدیغی ووکالت
مطلقه نوروز بکه مفوض بولندیغی جهتهله صدرالدین
مأموریتده اسکی رونق واستقلال کورهمدیکی ایچون امیر
مجاهدک بحق نائل اولدیغی اقبالی استرقابه وییاعی زوال
دولت وبلکه دفع وجودینی ارامغه باشلامشیدی . فقط
تدابیردسانه نندهکی ماموریتی غائب ایتمکن بشقه برنتجه
ویرمدی . برطرفدن دخی امیر طغاچار قواعد اسلامیه نک
اولکی کبی کافه اغراض وهوساتی لابلایانه اجرایه مساعد
اولدیغندن طولایی آیین جدیدی کندنجه مانع امل
گورمکه باشلامش و سلطان محمودک ازاله سیله یرینه کندی
اراده سنه کوره حرکت ایدجک برشهرزاده اجلاس ایدرک
ینه رسوم تاتاری احیا ایتمک ایچون برطاقم خفی تشبثله
قالقشمش اولدیغندن کیفیت نوروز بکه وآنک واسطه سیله
محمود غازانه عکس ایدرک حریف برهانه ایله اناطولییه
سوق اولتمش واوراده اعدام ایتدیرلمشیدی . مع مافیله طغا
چارک اشغال ایتدیکی شراره فتنه بی کندی قانیله اطفا ایتمک
قابل اوله مدیغندن طرفدارانی اولان و آیین تاتارک اعاده سی
فکرنده بولنان برطاقم متنفذلر اتفاق خفیلرینی توسیع
وترقیدار ایتمکن خالی دکالر ایدی . اداره دیواندن معزول

اولان صدرالدين زنجانی حریص اقبال۔۔ مفتون حیثیت برآدم اولمغله برابر معاملاتى دائما بردائرة معتدله ایچنده طوته جق قدر انتباهکارانه طور انمش ایسهده مسندنن دور اولدینی کبی۔۔ حیهواری برطرزتملق پیدا ایدرک۔ کوشه انزوا وزمین تواضعدن قطعاً ایرلمدینی حالده فرصت بولدجه اعاده استبداد ایچون امیر نوروزک زوال وجودینی آرامقده دقیقه فوت ایتمزدی۔ حتی تشبثات خفیه سی صره سننده امرای معهوده ایله عقد مناسباته باشلدی۔ اصحاب شقاوت تصورلرینی اجرایه کندیلرنده براز اقتدار حس ایدنجه صدرالدينك تعلیمیه تشبثلرینه مقدمه اولمق اوزره نوروز بکی سلطان غازاندن ایرمق تدبیرنده بولندیلر وبومقصدی حاصل ایتمک ایچون ایالات سلطنتک اک مهممی بولنان خراسانده دغدغه لیجه برفته تحریک ایتدیلر خراسان ایسه ذاتاً امیر مجاهدک شمشیر جلادتنه برقاچ کره باش اکدیکی جهتله بودفعه دخی استحصال اسایش بالطبع سلطان محمود طرفندن امیر نوروزک عهده کفایتته احاله قلندی۔

خانلرک برطاقی برزمان فرصتده نوروز بکی اتلافه چاره بولمق ایچون معینده کتدیلر۔۔ برطاقی ده پادشاهه مسلط اولمق نیت خانانہ سیله مقرر سلطنتده قالدیلر۔

حضرت مجاهدک اقدامات حق پرستانه سنه صورت

مکافاتده ظهور ایدن لطائف غیبیه دندرکه معیتنده بولنان
 خائنلر تحت جنکیره اصعاد اتمک قرارنده بولندقلری
 شهزاده نایجویه حالی برجهیه صورتنده اعلام اتمشلا ایدی
 شهزاده ایسه امیر نوروز و محمود غازان سایه سنده نعمت
 اسلامیتدن مستفید اوله رق معروفات شرعیه ایله ائتلافه
 باشلادی باشلایه لی دیانت محمدیه نك قیمت قدسیه سنی لایقیه
 تقدیر ایلدیکندن اخفای مرام اچون امرایه استمالتی
 متضمن خبرلر کوندرمکله برابر منتدرانه و صادقانه بر حرکتله
 حادثه بی صورت خفیه ده امیر مجاهده بر تفصیل بیان ایلدی
 حتی یازدینی مکتوبده اردوده تقدیر خائن وار ایسه
 جله سنک اسامیسیله وقت موعود حرکتلری دخی
 مندرج ایدی .

وقتا که ایله فتنه حلول ایلدی امیر نوروز اردوده فرقه
 شقاوتدن خارج بولنان نه قدر عسکر وار ایسه بر طاقم تدابیر
 ماهرانه و تعلیمات خفیه ایله بر قاچ کوندنبرو ترتیب اتمکده
 اولدینی پوصولره چک رک بولندینی موقعی بتون بتون خالی
 بر اقمشیدی کیجه یاریسنه طوغری خائنلر حیدود واری
 بر شدت سباعانه ایله امیرک مرکز اقامته طوغری هجوم
 اتمک باشلادیلر فقط اورالرده ذیروح بیله بولندینی بر بهت
 مایوسانه ایله مشاهده ایتدیلر .

بوبادره اوزرینه هر بری وهم مجسم کسیه رک لرزان
 لرزان فراره عزم ایتدکلی صرده امیر مجاهد کیندن
 موجود اولان عسکر یله شیر غرنده کبی میدان جلادته
 آتلدی بر هجوم ایله مرتد لک یوزده طقسائی اتلاف ورؤسادن
 بر قاجی اسیر ایلدی بقیه السیوف دخی وحشت بیابانلرینه
 طاغله رق بیک درلو مذلتله افنای عمر ایتدیلر .

صاحب ظهور مؤید ایتسی کون اسیر لری حضورینه
 جمعه بالاستطاق پای تخت سلطنتده بولنان فرقه شقاوت
 اعضاسنک کافه سنی تحقیق ایتدکن صکره بریکلریده
 ارتداد لرینه مجازاة سیف شریعتہ تسلیم ایلدی حادثه بی ده
 کافه تفصیلات و تفرعاتیله برابر پادشاهه عرض ایتدی .

سلطان غازان سردار مظفرینک عرضی اله آلیر آنز
 اشقیانک تأدینه قیام ایتشیدی ایچلرندن بر ایکیسی معتلرنده کی
 عسکرک کندیلرینه ارتباطنه وجیش سلطانیکنک بر چوغی
 مرکز سلطنتده بولمدیغنه اغتراراً علنیت اوزره عصیانہ قیام
 ایتدیلر هله سلطان محمود شہامت فطریه سنک بر برهان
 جلینی ابراز ایدرک عجاله الوقت طوپلایه بیلدیکی بر مقدار
 اصداق ایله ارباب شقاوت اوزرینه یوریدی و متعدد هجوملرله
 جمه سنی محو و مضمحل ایتکه موفق اولدیکه سلطانیکنک امیر

نوروزی استخدامہ باشا لادقندنصرہ آنک اعانہ سندن بری اولہرق حاصل ایتدیکی موفقیت بوغلبه دن عبارتدر .

صدرالدين امراء معهوده ايله متحد و بلکه ماده الاصل فساد ايکن حرکاتنده اودرجه احتیاطکارانه طورانمشیدی که تهمتی ظن درجه سندن ایلری کوتورمک کیمسه ایچون ممکن اولهمدی . مع مافیه یینه برطاق اصحاب حمیتک سوقیه خیلی مدت زندانده توقیف اولنمشیدی . فقط پک بیوک برثوته ومقربین ایچنده پک چوق خفی طرفداره مالک اولدیغندن اوقوتله کندینی قورتاردقندن بشقه فساد اخیری - امیر نوروزک فقدانی جهتیله امر ادارهده مستقل قالمش اولان - جمال الدینک نقصان کفایت وانتباهنه حمل ایتدیره جک برطاق گفتکولر اشاعه سیله مشار الیهی عزل ایتدردی . - کندییی یینه اداره دیوان خدمتته مأمور اولدی . تکرار اودولته نائل اولنجه مجاهد مروتکار طرفندن سایه سنده واصل اولدیغی مسندی غائب ایتمکدن بشقه برمعامله کورمامش ایکن حرص واقبال وداعیه تفردایله ولی النعمتی اولان امیر نوروزه پلنکانه برکین ابراز ایدرک آنک زوال وجودینی کندی حفظ حیاتی درجه سنده التزامه باشلیدی .

محمود غازان ایسه درایت وکفایتجه فوق العاده یرادلش اولان اعظمندن اولهرق سایه اسلامیتده بونجه توفیقات

عظیمیہ مظہر اولمش وادارہ سندنہ ممکن اولدینی قدر عادلانہ طور انمی التزام ایتمش ایسده فضائل اخلاقده امیر مجاہد گبی بقیة السلف بر مرد صحابی مشرب درجه سنہ وارد مدیغندن نوروز بکک احکام حقوق و اصول اداره جه کافه اغراض و تمایلات نفسانیہ بی محواید درجه سنہ اختیار ایتدیکی تدقیقات موشکافانه و معاملات متیقظانہ بی بیانی استقلال حکومتنه حائل کورمکه باشلامش ایدی .

بوندن بشقه تاتار عسکری قدوز و بیبرس زمانلرندن بری مصر حکومتک شجاعت جندیانه سنہ مغلوب اوله کلدیکندن سلطان غازان بو حالی جهانگیر لیکه مشهور اولان خاندانک شان جلادتنه بر لکه عار عد ایتمکه غرور اقبال و تهور شباب ایله ملوک مصرک تنزیل قدرینی پک زیاده آرزو ایتدیکندن و حالبوکه امیر نوروز او یله بر طاق دواعی خسیسه ایله اخوان مسلمین آرسنده قان دوکلسنه میدان ویرمک شویله طورسون اودرلو خیلاری عالم تصور دن بیاه ازاله یه چالیشان حمیت پروران دیانتدن بولندیغی جهتله بوفکره اک قطعی واک شدید صورتله مقاومت ایده کلدیکندن مصر سفری مسئله سی پادشاه ایله وکیل مطلق بیننده رفعی ناقابل بر نقطه اختلاف اولمشیدی .

صدرالدین بو حاللردن استفاده ایچون محروم اولدقاری

منافع ظالمانه و اغتصابات تاتارانہ بی امیر نوروزک زوال نفوذ و انتفای عدالتندہ تحری ایدن برطاقم رجال حکومتلہ اتفاق ادرک پادشاہک حضرت مجاہد حقندہ اولان انفعالات متفرانہ سنی علولندیرمک ایچون غایت مصنع بیک درلو القات فاسدہ دن خالی اولدقدن بشقہ امیرک مصر سفرینہ مقاومتی کولملرہ طرفدارلق صورتندہ کوسترمکدن وایدو خان اوزرینہ کیدیلہ جکی صرہدہ مصر حکومتیلہ تکلیف ایتدیکی اتفاق دخی برامارہ خیانت شکنہ قویمقدن اوتانمدی . حیفاکہ بودسیسہ ملعونہ بی نتیجہ بخش ایتکدہ مقتدر اولدی . واقعا امیر نوروزک مبادیؑ ظهورندن بری کافہ حرکاتی احیای اسلام مقصد مقدسنہ صرف ایتدیکی وھیچ برحالہ نفسنجہ بردرلو امل صاحی اولدیغی سلطان غازان عنندنہ بیک دلیل ایلہ ثابت ایدی . اومقصدی ایسہ سلطان محمود وسطیہ میدانہ کتیردیکی جهتہ اندن روکردان اولسنہ عقلا هردرلو احتمال مفقود اولدیغی ومسند وکالت امتیازنجہ قوجه برسلطنتدہ پادشاہ ثانی حکمندہ بولنسنہ نظراً خود پرستلکہ قیام ایتسہ بیلہ دنیادہ ارزوایدہ جک سلطنت مستقلہ دن ماعدا برشی بولہ میہ جغندن برپادشاہ خدمتدن بردیگر پادشاہ خدمتہ کچمک کی برسبب ایلہ تسلطن کی برمقصد اراسندہ هیچ برجهت استلزام بولنہ میہ

جغنی بادیء نظرده ادراك ایتک پادشاهک درایت فوق العاده
سنجه امور مشکله دن دکل ایدی .

فقط صدرالدین فتانلقده غازانی دکل بتون جهانی
اغفاله صالح برفکر شیطانی به مالک اولدیغندن مجاهد
صاحب حمیتک صداقته ینه نتیجه صداقت اولان
مقصد پرورلک جهتندن تعرضه باشلایه رق خطنه
تقلیداً و سلطان مصره خطاباً « واقعا پادشاهمز قبول دین
ایتدی احکام شرعیه نك تأیید و احیاسنه ده ممکن مرتبه
چالشور فقط امرانک ممانعتندن میدان بوله میور کندی
تربیه اسلامیه ایچنده یتشم دیکی جهته سلطنتی اخرتی
ایچون مخاطره به دوشوره جک قدر فدا کارلغده جسارت
ایده میور خصوصیه کنیدی آخرته انتقال اینجه امرای
تاتارک ارتحال جناب حضرت رسالت پناهیدن صکره
قبائلک ارتکاب ایتدکلری شنیعه ارتداددن چکنمیه جکلری
گی ینه کله جک اولان آدم ایله وزرا و امراسی حضرت
صدیق و فاروق و سائر صحابه عظام مسلمانکی طومتق دکل
بالعکس دولت دنیا ایچون آنلره نقیض اوله جق مرتبه لرده
ارتکاب رذائلدن کیر و طورمیه جقلرندن اهالیء اسلامیه
نعوذ بالله تعالی ینه زنجیر اسارت و سیف انتقام آلتنه
دوشه جکنی تجارب و مشاهدات چا کرانه م اقتضاسنجه یقیناً

بیلورم شمدیلك اداره عسكریه بتون بتون بنده كرك ید
 استقلامده اولدیغدن طرف سامیء ملوكانه لرندن بر حرکت
 غیورانه ابراز بیوریلور ایسه تاتار دولتی زیر وزیر ایدرك
 خلافت اسلامیه یی ینه اولکی شعشه سیاه اعاده ایتمك
 و بونجه شهداء موحدینك خذلهء مشرکین و اراذل
 مرتدیندن لایقیه انتقامی آلمق قابلدر اوامر هایونلرینه
 اتباعی مرکز سلطنتده بولنان برادریم حاجی بك بنده لرینه
 توصیه ایلدم اوده بند كرده فرمان شهریار یلرینه منتظرز «
 مأنسده برساخته مکتوب ترتیب ایدرك طولایسیاه امیر
 نوروزك آدماری یدنده طوتمش صورتده سلطان غازانه
 یتشددیدی « سلطان مصر طرفندن وقوعبوله حق کافهء
 اوامره اتباع ایت ینغزده بر خیرلی اتفاق عقد ایلدك «
 یولوو حاجی بکه خطابا تصنیع ایتدیکی بر دیگر مکتوبی دده امیر
 نوروز دائره سنه ادخال ایده بیلدیکی جاسوسلردن بری واسطه
 سیاه بیچاره حاجی بكك اوراقی آراسنه وضع ایتدیدی .
 سلطان محمود اولکی مکتوبی اوقودینی کبی صداقتی
 ایچون اخلاقده اولان هر درلو شده تحمل ایده کدیکی
 امیر نوروزدن بویله بر خیانتك ظهورینی تجارب متعدده سنه
 بتون بتون مخالف کوردرك صحته اینامق ایستامش و یالکز
 امیرك قوناغنی باصه رق سائر اوراقی تحریری اله اکتفا ایتمك

نیتده بولغش ایسه ده حاجی بکک کاغد لری اراسنده
مکتوب دیگر ظهور ایتدیکی کبی برطرفدن طبعی حدت
وبرطرفدن حفظ مسند داعیه لری تماما شعورنی سلب
ایدرجه سنه ذهننه بر پریشانلق کتیردیکندن صدرالدین دخی
مصر اتفاقه اولدن بری ورد زبان ایتدیکی مغالظه لری
دها موجه .- دها تأثیرلی بر صورتده تکراره باشلا دیغندن
تعمیق مصلحت احتیاط کارلغندن غفلتله امیرک عراقده بولنان
اعضای خاندانی کافه قهر ایلدیکی کبی کندینک دخی
اعدامی ایچون خراسانه ایکی اردو ایله اک معتمد امراسندن
ایکی سردار تعیین ایله برابر کرک امیر و کرک توابعنک
هر زده بولنور ایسه بولنسون بلا امان اعدام لریچون
اطراف ملکه متعدد فرمانلر طاغندی .

امیرک برادرلرندن بری- بوسیدگاه تعدیدن هر نصلسه
تخلیص جان ایدرک- نردینه ورود ایله کیفیت کنینه اعلام
ایدنجه مجاهد ملکی الصفات برادرینک افاده سنه «چالشدیغم
نصرت اسلام مقصدی بغایه الله تعالی حاصل اولدقدن صکره
بنم بوخا کدان فناده نه ایشم قالدی برجان ایچون پادشاهمه
عصیانمی ایده جکم مادام قتلنه حکم ایشم حلال اولسون
فرمان کندینک» عزیمت فداکارانه سیله مقابله ایلدی .
فقط کرک برادری و کرک اصدقاسی تاتار امراسنک احکام

شرعیه دن نه درجده بیزار اولدقلرینی اخطار ایله کندی
 عالم دن زائل اولدیغی تقدیرده سلطنت جنکیزیه نك مذهب
 قدیمه رجعتده اولان احتمالاتی تعداده باشلانجه امیر دین
 پرورک جان باشنه صیجرا دی . . مقصدینک استحصالنه نصل
 طوق بشرک خارجنده کورینه جک درجه لرده اقدام ایتدی
 ایسه حاصل اولان نتیجه نك ادامه سنه وانک موقوف علمی
 اولان محافظه حیاته دخی اوصورتله فوق العاده برهمنه
 چاشمغه قطعاً عزم ایدرک همان نیشابوردن حرکتله هرات
 اوزرینه یوریدی .

اشای طریقده عایینه سوق اولنان اردولردن برینه
 تصادف ایتمش ایدی عقبکیرلر کندی توابعنک اون مثلندن
 زیاده اولدیغی کبی حرکات حرابه سی دخی دفع صائله
 مقصور اولدیغی جهته غلبه یه مقتدر اوله مدیسه ده کمال
 مهارتله برمنتظم رجعت اجرا ایدرک غازان عسکرندن
 اول هراته یتیشه بیلدی . هرات قلعه سی فوق الفایه مستحکم
 اوله رق حکومتی ایسه کرت ملوکندن فخرالدین عهدده سنده
 ایدی . بوآدم ده ا بادی ء نشأتنده خیلی بردات کوستردیکچون
 پدری طرفندن سنه لرحه برقلعه ده حبس ایدلدیکی حالده
 امیر نوروز مرحله تحایضنه چاشمش و پدری ایلریده البته
 یوزندن برفسالق کوریه جکندن بحمله امیرک توسطنی بیله

رد ایتک استمش ایکن مشار الیه طرفندن کوردیکی ابرام
اوزرینه حبسندن چیقارمش ایدی. حتی پدرینک فخرالدینه
اومرتبه سوء ظنی وار ایدی که کویا مؤخرأ ارتکاب
ایده جکی شناعتلری کشف ایتمش کبی سیلینی تخلیه ایتمدن
اول وقوع بوله جق سیاتندن دنیوی و اخروی کندی
ذمتک بری اولدیغنی مصدق امیر نوروزدن برسند دخی
المشیدی. مجاهد عالیهمت ایسه فخرالدینی یا لکزر بولندیغنی
مضیق اضطر ابدن تخلیص الله اکتفا ایتدی. برادرینک
کریمه لرندن برینیده تحت نکاحنه ویردرک قرابتنه قبول
ایله هر درلو اسباب اقبالنی تهیئه ایتمش ورفته رفته بولندیغنی
مسندده کتیرنجه یه قدر چالشمش ایدی. فخرالدین ایسه غایت
مبطن و شیطنتی برفتنه روزکار اولمق جهتیله بیک درلو
تبصیصات ایله امیره اظهار صداقت و عبودیتدن کیری قالمز
ایدی.

برغضنفر ایچون وجودینه یلان صارلدقدنصرکه امکان
نجات اولمدیغنی کبی صدق و شهامتی جمع ایدن مردان ایچون
برخائنه مقارن اولنجه تسلطدن خلاص اولمق مستحیل اوله
کلدیکی پک نادر تخلف ایدن قواعد مجربه دندر. اوقیلادن
اوله رق امیر نوروز دخی فخرالدینک اقر باسندن بولندیغنه
و برکشیده عنایتی اولدیغنه باقه رق صداقتنه نهایت درجه ده

اعتماد ایدردی . بناء عليه نتیجہً حالہ انتظاراً ہراتہ تحسن
ایتمک ایستدی .

یابنده بولنان اصدقاسندن برطاقمی « آتلونک قلعه سی
صحرا در . اللهمک ملکنده بو قدر وسعت وارکن نیچون
درت دیوار ایچندہ کندیکزی حبس ایده جکسکز » دیدیلر
ایسده امیر ذمتک ہر تہمتدن بری اولدیغنی بیلدیکی کبی
درایت معلومہ سنہ نظراً محمود غازانہ سوز اکلا تمقدن دخی
امیدی کسمدیکندن و خصوصیلہ احیا ایتدیکی مقصد
مخاطرہده ایکن مرکزدن بتون بتون تباعد مسلك حمیتہ
منافی کورندیکندن رأینده اصرار ایتدی .

اقبالنک ہر درلو منافعدن حصہ دار اولان توابعندن
برطاقمی فلا کتہ اشتراک فدا کارلغندن قاچنہ رق نجاب
طرفنہ چکلدیلر .

کندی - یابنده قلان - سکزیوز قدر اصدقا ایلہ ہرانہ
انجا ایلدی .

فخر الدین ایسہ ظاہرا مشار الہی حسن قبول ایلہ
صداقت و عبودیتنک اک بیوک اثارینی بویلہ کونلر ایچون
صاقلادیغنے و بتون ملکی ایلہ امیرک یولندہ محو اولنجہ یہ قدر
اقدامدن کیری طورمیہ جغنہ دائر برچوق تأمینات اعطا ایتمش
و فقط حقیقت حالہ سبب دولتی اولان ذاتی اودولتک

ترقیسی ایچون فدا اولنه جق برقربان حکمنده طوتمشدی .
 نوروز بکدن برقاچ کون صکره سلطان محمود طرفندن
 مشار الیهک اخذینه مأمور اولان امیر قتلقشاه دخی بریوک
 اردوایله بلای نازل کبی ورود ایدرک النده کی فرمانک
 اجرای احکامی ایچون فخرالدینه مراجعت ایلدی . فقط
 حاکم هرات برطرفدن اهلینک امیر نوروزه اولان شدت
 میلانی بیلیکی جهتله تصمیم ایتدیکی خیانته دفعه جسارت
 ایدمه مدیکی کبی برطرفدن دخی بدل اقبالی دها زیاده
 قیمتدار ایتک استدیکندن قتلقشاهه « شمعی فرمانک
 اجراسنه امکان مساعد دکدر » یوللو ذوالجهتین برطاقم
 جوابلر کوندرمکله عساکر پادشاهی همان هراتک محافظه سنه
 باشلادی .

او حالده امیر نوروز برطرفدن دفع صائله اقدام ایله
 برابر برطرفدن دخی محمود غازانه برعریضه یتشدره بیلکه
 چالشیردی . اولا بوبابده قتلقشاهی توسط ایتک استدی .
 او ایسه امیرک اک شدید خصماندن اولدیغندن التماسنی
 اسعاف ایتک دکل کندینه بر جواب کوندرمک مروندن
 بیله تبری ایلدی . مع مافیه یینه تدیرندن مایوس اولمیه رق
 ایصال خبر امرنده دفعاتله بعض وسائط خفیه به مراجعت
 ایتمش ایسه ده معروضاتک برچونغی قتلقشاهک و آندن

خلاص اولنلری دخی معهود مقر بلك ایادی تجسنه
دوشه کلدیکندن پادشاه ایچون امیرك دلائل برائت
وصداقته اطلاع شويله طورسون خصمانك هرات
محاصره سنه ویردیکی شاخ وبركار مناسبتيله خیانت
وعصیانی امور بدیهیه حکمنه کیرمشیدی .

بر طرفدن ایسه قتلکشاه مدت مدیده اقدامدنصره
هراتك عنوةً تسخیرندن مایوس اولنجه بعض اعظمی توسط
ایدرك نوروزك کندینه تسلیم اولنمسیچون فخرالدینه انواع
وعد ووعیدی شامل خبرلر کوندرمکه باشلادی . اوصرده
ایسه محاصره نك امتدادی جهته اهالیده اثار اضطراب
کوندرکجه فخرالدینك ترتیب ایتدیکی اصحاب نفاق « برآدم
ایچون بر پادشاهك غضبنه اوغرادق . الله انجمنی خیر
ایلیه ! آنی قورتارمغه سعی ایده جکزدیهرک کندیمزی
قورتارمغه چاره بولقدن مایوس اوله جغز » یولو تسویلات
ایله هرکسه خیلیدن خلی فتور ویرمشلر ایدی . ملک
فخرالدین او حالده انتظار ایتدیکی زمان فرصتک حلونه
حکم ایدرك قتلکشاه ایله صورت خفیهده مخبره ومقاولهیه
باشلادی .

غریب تماشا درکه فخرالدین امیر نوروزك افنای
حیاتچون آله جنی اجرت خیانتک مقدارینی قرارلشدرمقده

ایکن امیر نوروز - فخر الدینہ امنیتاری اولدیغندن طولایی -
آنک بریرده حبسیله بولندقلری حال نتیجه پذیر اولنجیه
قدر هراتی کندی اداره لرینه آلمغی تکلیف ایدن امراسنی
بیاغی ردائت وخیانتله اتهام ایده جک مرتبه لرده تعذیر ایله
مشغول ایدی .

فخر الدین قتلشاه ایله شرائطی قرارلشدردقدنصکره
اشد نفاق ایله مشهور اولانلرک بیله خاطرینه کلدک برطرز
دورویانه ایله حضور امیره کلهرک قتلشاهدن آلدیغی
مکتوبلری کوستردی . وعموم اهالی یه امنیت اولنهمیه .
جغندن وحالبوکه امیرک توابعی اخص معتمدانندن
بولندقلرندن شاید قتلشاه هرات خلقندن ویا کرت
امراسندن بعضیلرینی اضلاله مقتدر اولورسه برخیا
اجرا ایده بیلرینه میدان قالماق ایچون قلعه نك اک مهم
اولان مواقعی نوروزیلره محافظه ایتدرمک ایچون حضرت
مجاهددن امر ایستدی .

برطرفدن امیری تمامیه تأمین ایدرک هر درلو احتیاطدن
بری براقق و برطرفدن فداکارلری تبعید ایله کندندن
برمقاومت شدیدیه احتمالی سلب ایتمک ایچون ترتیب
ایتدیکی بودسیسه شیطانیه ایسه طبیعتی خیر اوزره مجبول
اولمق مناسبتیه هر ایشک خیر جهتی کورمکه مألوف اولان

امیر پا کدل نظرندہ فخر الدینک صداقتہ ایکی برہان
 بدیہی کبی کورندیکندن بیچارہ آدم اوخانک کفران
 نعمتہ قارشی برطاق منتدارلق ابراز ایتدکنصکرہ بندکانی
 فخر الدینک تعیین ایتدیکی جہتلرہ طاغندی کندیدہ طوپی
 اوچ درت کشیلہ بربرجک محافظہسنہ عزیمت ایتدی .

قتلہشاهک چادری چقیدنی برجک حداسنہ تصادف
 ایتک جہتیلہ آنی نشان آلهرق اوق آتمغہ باشلدی ایسہدہ
 تیرینی چادرہ قدریتشدیرہمدیکندن حدتلہ برچکشده کمانک
 کریشنی قووپاردی اوصرہدہ فخرالدین توابعندن برقاچ
 گشی اطرافنہ طوپلانمغہ باشلادیلر وسبب ورودلرینی سؤال
 ایدنجه خدمتنہ مأمور اولدقلرینی خبر ویردیلر . امیر برقاچ
 دقیقہ بونلرلہ مصاحب ایتدکنصکرہ سوزقتلہشاهک چادرینہ
 آتدنی اوقلریتشمدیکنہ وکمانک کریشی قویدینغہ انتقالایلہ
 « بودفعہ البتہ یتشدیریرم » دیهرک کمانی تعمیرہ مشغول
 اولنجه خانلردن بری فرصت بولہرق مبارک باشنہ برکرز
 ضربیلہ او منار بیت الحرام دیانتی افتادہ خاک ایلدیکندن
 اطرافدہ بولنان خذلدن برطاقی رفاقت امیردہ بولنان
 اوچ درت مجاہدی غفلہ شہید ایلدکلری کبی برطاقی
 دخی یارملی بر شیرہ تصادف ایتمش آوکوپکی کبی اطرافنہ
 اوشہرک قرق بش سنہدن زیادہ رایت اقبال دینی اعلا

واصنام ضلال مشرکینی شکست ایتمکه مشهر اولان دو دست نور افشان جلادتنی آرقه سنه باغلایه رق وجود مبارکنی مشهد اولیایه اینمش بر ملک الرحمه کبی بر جای تنک وتارده توقیف ایتمدیله . فخر الدین واقعه یی خبر آنجه بر جلره پراکنده اولان نوروزیلری امیر مجاهد نامنه دعوت ایدرک جمله سنی اوچر بشر حضورینه کلدجه صبراً اعدام ایتمدکن صکره باشلادیغی خیانت ماعونه یی ولی نعمتک دشمن جاننه الی بغلو اوله رق تسلیمی دنائتیه اتمام ایلدی .

وقتاکه یوز ملیون قدر اخوان دینی بلای اسارتدن خلاص ایدن صاحب ظهور اسیراً قتلشاه حضورینه کوتورلدی . دوشندیکی شی یالکز مقصدینک محافظه سنه چاره آرامقندن وسویلدیکی لاقردی کندیسینک بعض وصایا تبلیغچون حضور پادشاهی یه کوندرلمسنی طلبدن عبارت ایدی . قتلشاه طرفندن روی موافقت کورمیجه طلبنی تکراره تزل ایتمدی . « والهی اسلامه سن معینسک البته عزت دین ایچون اسباب خلق ایدرسک » دهرک وکلمتین شهادتینی کویا اوله رق اوزرینه چکیلان سیف تعدی یه لاقیدانه تسلیم کردن ایلدی .

امیر ایچون التزام واحیا ایتمدیکی مقصده نظراً مراتب

علویت و فضائلی اجمال آیده جک بردولت شهادت قلمشیدی
که آئیده بیوفاییء ملوک و کفران خیانت پروردگان سببیه
احراز ایلدی .

صدر الدین ایله فخر الدین و رفیق خیانتلری اولان
سائر امرا ایسه الی الابد السنه نفرین علمده قالمق ایچون
افعال سائر دلرینه نظراً اوله بر مقدس وجودی ضایع
ایتمک ملعنتی ارتکابه دخی محتاج دکلدیلر .

یالکز اراده سلطان غازانه تأسف اولنورکه تاتار
داهیه سیله بتون بتون اضمحلاله یوز طومش اولان شوکت
اسلام زمان سلطنتنده و بدرجهیه قدر اشتراک همیتله اسکی
اقباله عودت ایلدیکی ایچون مشارالیه خلفاء راشدین ایله
عمر بن عبدالعزیزدنصکره خدمه و شهره کافه ملوک اسلامک
اعظمی عد اولنمق لازم کلور ایکن احیا ایتدیکی مقصدک
صاحب منفردی و حاصل ایتدیکی موفقیتنک بادیء اصلیمی
اولان وحقی کندنک دخی مرشد هدایتی بولنان بر ذات
مقدسک - تسویلات اجلافه قایلهرق - خون ناحقنی دوکمهکه
عنوان نامه اشتهارنده بیاغی شعشعه مفخرتنه تمامیه مقابل
کله جک بر لکه سیاه شناعت بر اقمشدر .

مجاهد شهیدک اوصاف جلیله سنی تلخیص ایچون حالایران
وتوران و چین و تاتارستانده دین محمدینک یوز ملیوندن زیاده

نفوس اوزرنده دوام احکام قدسیه سی مشار الیهک ماثر
 حق پرستانه سی بقایاسندن اولدیغنی اخطار اتمک کفایت ایدر
 شهادتی آلتیوز طقسان آتی سنه هجریه سنه ددر .

(رحمة الله عليه رحمة واسعة)





3 1761 07964542 0

PL

248

K45

E 85

1889